

मर्कूसइ

फ्हिबै येशू खीष्ट उँडले खबै सैं तोंबै ताँ

फ्हिबै म्हिः सिमोन पत्रुसइ बिबै ताँ थेसि यूहन्ना मर्कूसइ
फ्हिब् ग। (चेला चिब्यैए केमै १२:१२,२५; १३:५,१३; १ पत्रुस
५:१३; २ तिमोथी ४:११)

फ्हिबै त्हेः ई. सं. ६० सालजरे, अथवा बि. सं. ११७ सालजरे
फ्हिलै।

फ्हिबै क्लह्योः रोम सहरर

चु कितबर तो मुँ बिस्याँ:

१. येशूजी हग मुँल्ले परमेश्वरए ताँ लोमिंभें लइ।
२. परमेश्वरजी पिंबै हगउँडले येशूजी म्हिमैए पाप क्षमा
लमिंइ।
३. नब् छ्ब्यै नेरो मोंइ स्याब्यै सल् लमिंइ।
४. येशूजी अहानउँडले लोमिंमा चेलाज्यै या क्होब गारो तल।
५. स्योर ताँ कोंसि लोमिंभैलाइ लोदा सैंदा लब्रें लइ।
६. येशूजी लोमिंबै ताँ यहूदी ऋथे मिंथेमेंइ आखोसि खीलाइ
सैल् म्हेइ।
७. खीजी थेबै दुःख सैदिसि ताँन् म्हिमैए पाप खुमिंबै ल्हागिर
कूसर च्योसि सिमिंइ।
८. दिलेया परमेश्वरजी सिबउँडले धबै येशूलाइ सोगों लमिंसि
ल्हें खे चेलामैं डारं म्रोंखइ।
९. खीए त्रिदे मुँबै च्ह परमेश्वरजी धबै खी डॉर्न बोवाइ।

चु कितबर मुँबै तामैं

यूहन्नाउँडले बप्तिस्मा किंमा दुष्टइ येशूए जाँच लब १:१-१३

गालील ह्युलरि येशूजी के लब १:१४—१:५०

गालीलउँडले यरूशलैम ह्याब १०:१-५२

7 “डए लिलि युबै म्हि ड भन्दा बेल्ले शक्ति मुँबै म्हि ग। डम् कुरासि खीए जुत्ताए तनि प्ल्हबै या आड्हें विदै यूहन्नाइ बिप्रमल।

8 डइ कहेमैं क्युर प्ल्हूसि बप्तिस्मा पिंड, दिलेया खीजी कहेमैंलाइ पबित्र प्ल्हजी बप्तिस्मा पिंम्मुं।”

ॐॐॐॐॐ ॐॐॐॐॐॐॐॐ ॐॐॐॐ ॐॐॐॐॐॐ ॐॐॐॐॐॐ
ॐॐॐॐ ॐॐॐ ॐॐॐॐॐॐ
(ॐॐॐॐॐ ॐ:ॐॐ—ॐ:ॐॐ; ॐॐॐॐ ॐ:ॐॐ-ॐॐ; ॐ:ॐ-ॐॐ)

9 च त्हेर्न येशू गालील ह्युलर्बै नासरत बिबै नाँसउँडैले युइ, झाइले यूहन्नाउँडैले यर्दन स्योर क्युर प्ल्हूसि बप्तिस्मा किइ।

10 क्युउँडैले त्होंबै तोदोन् येशूजी स्वर्ग थोंब् नेरो पबित्र प्ल्ह तोंगु धोले ह्रोंसए फिर युरिब म्रोइ।

11 च तोदोन् “किह डइ खोबै च्ह ग, किह म्रोंसि ड बेल्ले सैं तोँडमुँ!” बिबै कै घ्रि स्वर्गउँडैले थेइ।*

12 च लिउँडै पबित्र प्ल्हजी येशूलाइ क्यु आयोंबै क्ल्हयोर बोयाइ।

13 च क्ल्हयोर दुष्टइ प्लिच्यु त्हिंड समा खीलाइ पापर च्होवाल् म्हैइ।# खी क्हयोंबै खेदोमैंने टिल् त्हुमा स्वर्गदूतमैं युसि खीलाइ ल्होमिंड।

ॐॐॐॐॐॐ ॐॐॐ ॐॐॐॐॐॐ ॐॐॐ ॐॐॐॐॐॐॐॐ ॐॐॐॐॐॐ
(ॐॐॐॐॐ ॐ:ॐॐ-ॐॐ; ॐॐॐॐ ॐ:ॐॐ-ॐॐ)

14 हेरोद मुँड बप्तिस्मा पिंबै यूहन्ना झेलर च्युवाबै लिउँडै येशू गालील ह्युलर एह्यासि परमेश्वरउँडैले खबै सैं तोंबै ताँ बिमिंड।

* 1:11 1:11 ॐ ॐ:ॐ; भज २:७; यशै ४२:१; मत्ती ३:१७; १२:१८; मर्क ९:७; लूक ३:२२

1:13 1:13 ॐॐॐॐ ॐॐॐॐ ॐॐॐ ॐॐॐॐॐ ॐ ॐॐॐॐॐ ॐॐॐ ॐॐॐॐॐॐ ॐॐॐॐॐॐ ॐॐॐ ॐॐ ॐ,
अथवा परमेश्वरए शत्तुर ग।

25 येशूजी च मोने हौदिसि बिइ, “च म्हिउँइले तोइ आबिल्ले त्होह्याद!”

26 येशूजी च्हौ बिबै तोंदोंन् च मोइ च म्हि त्हारल् लवासि थेबै कैले चिरसि चउँइले त्होह्याइ ।

27 छ तब् म्रोंसि चर मुँबै म्हिमें ताँन् प्लेटोयासि “चु खै तबै म्हि मुँगे? खोंयोइ आथेबै ताँमें या लोमिमना! धै हग मुँल्ले मोंमैलाइ त्होह्याद् बिमा मोंमैइ खीजी बिब डिंमना बिबर होइ।”

28 छ तबै तोंदोंन् येशूए छ्याँबै बयन गालील ह्युल तिगोंन् थेनेइ ।

[□□□□□□ □□□□□□ □□□□□□□ □□□ □□□□□□](#)
[\(□□□□□□ □:□□-□□; □□□□ □:□□-□□\)](#)

29 झाइले येशू, याकूब नेरो यूहन्ना च्हां धिंउँइले त्होंसि सरसर सिमोन नेरो अन्द्रियासए धिर ह्याइ ।

30 चर सिमोनए स्युमि बेल्ले जर खसि क्ल्ह्योर रोरिल । छ तसि येशू फेनेबै तोंदोंन् सिमोनइ डए स्युमि नइमुँ बिइ ।

31 येशू च नबै म्हि मुँबै क्ल्ह्योर ह्यासि चए यो क्हासि रेमिंइ । च तोदोंन् चए जर सयाइ । धै चइ खेमेंए ल्हागिर चब् लबर होइ ।

32 त्हिंयाँ लियाबै लिउँइ म्हिमेंइ येशू डार नब् छ्भें नेरो मोंइ स्याब्में ताँन् पखइ ।

33 नाँसबै ताँन् म्हिमें सिमोनए धिंबै ह्युर खागु तखल ।

34 झाइले येशूजी त्हें खालबै नबै म्हिमें सल् लमिंइ, धै त्हें म्हिमेंउँइले मोंमें या ल्हामिंइ । खी खाव् जा बिब मोंमैइ सेमल, छ तसि खीजी चमें तोइ पॉल आपिं ।

[□□□□□□ □□□□□ □□□□□□□ □□□ □□□□□ □□□](#)
[□□□□□□□](#)
[\(□□□□ □:□□-□□\)](#)

35 न्हाँगर मि म्रोंब् भन्दा ओंसोंन् येशू रेसि बैरु खाबै आरेबै क्ल्हयोर ह्यासि प्राथना लइ ।

36 छुतमा सिमोन नेरो चने मुँबै म्हिमैँइ येशू म्हेँदै ह्याइ,

37 चमैँइ येशूलाइ त्होसि “ताँन् म्हिमैँइ किह म्हेरिइमुँ,” बिइ ।

38 दिलेया येशूजी चमैँने बिइ, “खो, बरु डचो अरू चेंदोर्बे नाँसजरे ह्याले, चरै या सैं तोंबै ताँ बिमिंल् त्हुम् । तलेबिस्याँ चु केए ल्हागिर्न ड युब् ग ।”

39 झाइले येशू गालील ह्युलर्बे च्हों धिमैँर सैं तोंबै ताँ बिप्रदै मोमैँ ल्हादै प्रइ ।☆

00000000 0000 0000 000000 0000 0000000
(0000000 0:0-0; 00000 0:00-00)

40 झाइले कोर खबै म्हि म्त्रि येशू डाँर खसि च्हि तुँसि “डलाइ सल् लमिंदा इहाँस्याँ किहजी चु नबउँइले ड सल् लमिंल् खाँम् बिसि यो छ्युँ लइ ।”

41 चए ताँ थेसि येशूजी ल्हयो खसि खीए योजी च म्हिलाइ छुइसि “डइ किह सयारिगे इहाँइमुँ किह सयाद,” बिइ ।

42 येशूजी छु बिबै तोंदोंन् च म्हि सयाइ ।

43 झाइले येशूजी चने “डइ किह सल् लबै ताँ खाबलाज्यै या आबिद् बिसि कुलइ ।

44 थेद, बरु खो पिंबै खेगि डाँर ह्यासि किहए ज्यु उँइँन् । किह सयान बिब म्हिमैँइ सेरिगे बिसि स्योँम्बै मोशाइ बिब् धोले खो पिन् ।”☆

45 दिलेया च म्हि ह्यासि येशूजी खी सल् लमिंबै ताँ म्हिमैँने बिप्रइ । छुतमा येशू म्हिमैँइ म्रोंन्ले नाँसजरे प्रल् आयों, छुतसि खी खाबै आरेबै क्ल्हयोजरे टिइ । दिलेया खन्तोदोंउँइले म्हिमैँ येशूलाइ म्हेँदै चर खइ ।

2

००००००० ०००००००० ०००० ०००००००००० ०००० ००००००००
(००००००० ०:०-०; ००००० ०:००-००)

1 दे त्हिंइ लिउँइ येशू धबै कफर्नहुमर एखइ । छतमा खी धिर्न मुँ बिब चबै म्हिमैइ सेइ ।

2 छतसि ल्हें म्हिमै खी टिबै क्ल्ह्योर खागु तखइ । ल्हें म्हि खागु तमा चर कहुँबै क्ल्ह्यो आयोल, ह्युरै या राबै क्ल्ह्यो अरेल । तलेबिस्याँ चर येशूजी म्हिमैने परमेश्वरए ताँ बिमिरिल ।

3 च त्हेर्न म्हि प्लिइ स्याले तबै म्हि घि नोसि येशू डाँर पखइ ।

4 चर म्हिए हुल तबइले चमैइ च स्याले म्हि येशूए डाँर बोल् आखाँ । छतमा चमैइ येशू मुँबै धिंप्हें ओवासि च नबै म्हि क्ल्ह्योने बालुन् येशू मुँबै क्ल्ह्योर तवाइ ।

5 च म्हिमैइ खीए फिर बिश्वास लब् म्रोसि येशूजी च नबै म्हिने बिइ, “ओ च्हेँज्यो, किहए पापमै क्षमा तइ ।”

6 चु ताँ थेसि चर मुँबै शास्त्रिमैइ खे-खेमैए सैं न्होर छले मैरिल,

7 “चु म्हि तले छले पोंगे? चुइमि परमेश्वरए क्ल्ह्योर खी तसि ग पोरिइमुँ! परमेश्वरजी बाहेक् अरू खाबज्यै म्हिए पाप क्षमा लल् खाँम्मा?”

8 चमैइ छाबै सैं मैरिमुँ बिब येशूजी सेसि चमैने बिइ, “क्हेमैइ तले छाबै ताँ मैरिल?”

9 चु स्याले म्हिने किहए पाप क्षमा तइमुँ बिब छ्याँब उ रेद, किहए क्ल्ह्यो नोसि प्रद बिब छ्याँब जा?

10 दिलेया चु पृथ्वीरि पाप क्षमा पिबै हग ड परमेश्वरउँडले कुल्मिंबै म्हिए च्हेने* मुँ बिसि क्हेमैइ सेद ।” च्हाँ बिसि खीजी च

* 2:10 2:10 ००००० ००० ०००००० ००० ०००० ०००० ००० ००००० ००००००, म्हिए च्हे प्रभु येशूजी ह्ठोसनेन् विबै खीए मिं ग । धे हिब्रू क्युइरि म्हिए च्हे बिब ह्ठोस कुरसि च्योँब तसि पाँबै मिं मुँल (इजकियल २:१; भजनसंग्रह ८:४) । दिलेया चु मिंए अर्को अर्थ बेल्ले थेब मुँ तलेबिस्याँ परमेश्वरजी म्हिए च्हेजी खोंयोँइ बिलै ग्याल्स लरिगे बिसि कुल्मिंबै मुँ ग (दानियल ७:१३,१४) ।

स्याले म्हिने बिइ,

11 “रेद, किहए कल्हयो नोसि धिर ह्याद।”

12 येशूजी छ बिबै तोदोन् च म्हि खीए कल्हयो नोसि म्हिमै उँडँले प्रयाइ। छाब् प्रोसि चबै म्हिमै प्लेटोयासि “छ लबम् डिइ खोयोँइ आम्रोल।” बिदै परमेश्वरए मिं क्वेइ।

ॐॐॐॐॐ ॐॐॐॐ ॐॐॐॐ ॐॐॐॐ ॐॐॐॐ
(ॐॐॐॐॐ ॐ:ॐ-ॐॐ; ॐॐॐॐ ॐ:ॐॐ-ॐॐ)

13 येशू धबै तालए छ्योगर ह्यामा म्हिए हुल खी डार खइ। धै खीजी चमैलाइ परमेश्वरए ताँ लोमिंइ।

14 च कल्हयो उँडँले ह्यारिमा येशूजी अल्फयसए च्हे लेबी रोमी मुँए बालि रेबै कल्हयोर क्हुँरिब् प्रोसि चने, “डए लिलि प्रद,” बिमा लेबी रेसि येशूए लिलि प्रइ।

15 दे त्हे लिउँडँ च लेबीए धिर येशू कै चबर क्हुँमा रोमी मुँए ल्हागिर बालि रेबै म्हिमै नेरो अरू पाप लबै म्हिमै या येशू नेरो खीए चेलामैने क्हुँरिल। तलेबिस्याँ खीए लिलि प्रबमै ल्हें मुँल।

16 दिलेया फरिसीमै न्होँबै को-कोइ शास्त्रिमैइ येशू छले पापि म्हिमै नेरो बालि रेबै म्हिमैए म्हाँजोर क्हुँसि चब् चरिब् प्रोसि चमैइ येशूए चेलामैने “च तले छाबै पापि म्हिमैने क्हुँसि चब् चब्जा?” बिइ।

17 चु ताँ थेसि येशूजी चमैने बिइ, “आनबै म्हिमैए ल्हागिर मैँ लबै म्हि आचैदि, बरु नबै म्हिमैए ल्हागिर मत्त्रे चैदिम्। ठिक के लब् फ्हेँभैए ल्हागिर ड युब आडिं, दिलेया आछ्याँबै के लभैँ हुइबै ल्हागिर ड युब ग।”

ॐॐॐॐ ॐॐॐॐ ॐॐॐॐॐॐॐॐ ॐॐॐॐॐॐॐ
(ॐॐॐॐॐ ॐ:ॐॐ-ॐॐ; ॐॐॐॐ ॐ:ॐॐ-ॐॐ)

18 अरू म्हिमें खसि येशूने बिइ, “क्युर प्ल्हूसि बप्तिस्मा पिंबै यूहन्नाए चेलामैं नेरो फरिसीमैंए चेलामैं बर्त टिमुं। क्हिए चेलामैं तले बर्त आटि?”

19 येशूजी चमैंने बिइ, “प्ल्हैरोने (दुलहाने) मुंबै म्हिमेंइ बर्त टिम् रोवा? च धोलैन् डए चेलामैंने ड मुँरिन् समा चमैं बर्त टिल् आत्हु!

20 खोंयों प्ल्हैरो चमैंउँडले स्यो लवाबै त्हे खमुं च्मन् चमैं बर्त टिब्मुं।”

21 धवै येशूजी बिइ, “खाबज्यै या स्योबै क्वेरि छारा क्वेंइ आखे तलेबिस्याँ छारा क्वें भन्दा स्योब क्वें युनन् ट्होह्याम्।

22 छलेन खाबज्यै या आचिबै अँगुरए प्हा ट्हुबिए स्योब नेंदोंर आझों। झोंइ बिस्याँ ट्हुबिए नेंदों ट्होवाम् धै प्हा या डेयाम्, नेंदों या ट्होयाम्। छतसि आचिबै अँगुरए प्हा छारा नेंदोंर झौल् त्हुम्।”

*?????? ???? ???? ???? ???? ????
(???? ??:?-?; ???? ??:?-?)*

23 तिगें प्रिबै त्हिंइर येशू खीए चेलामैंने गहुँए बारिउँडले ह्यारिल। प्रना प्रन् खीए चेलामैंइ गहुँए नाँ टोंबर होंइ।*

24 छ लब् म्रोसि फरिसीमैंइ खीने बिइ, “ड्ह्योद, प्रिबै त्हिंइर लल् आतबै केन् तले चमैंइ लरिडमुं?”

25 येशूजी चमैंने बिइ, “डचोए खे दाऊदए बारेबैं ताँ क्हेमैंइ परमेश्वरए छ्वेर आखेइमुं वा? दाऊद नेरो चने मुंबै म्हिमें फो खेंमा चइ तो लल?

26 अबियाथार बिबै खो पिंबै खेगि क्रथेए पलोरि दाऊद परमेश्वरए धिंर होंसि खीए मिंर थेंबै क्हें चल। दिलेया परमेश्वरए छ्वेर बिब् धोलै च क्हें खो पिंबै खेगिमैंइ बाहेक

अरूइ चल् आतमल । दिलेया दाऊदइ चइ, धै खीने मुँब्मैलाज्यै या पिंइ ।”✱

27 झाइले येशूजी चमैने बिइ, “ ‘म्हमैँइ आशिक योरिगे’ बिसि परमेश्वरजी प्रिबै त्हिंइ लमिंब् ग । ‘म्हमैँइ छ्याए ल्हिबै ति नोरिगे’ बिसि लब् आडिं ।

28 छतसि म्हिए च्ह प्रिबै त्हिंइए फिबैँ या क्ल्हे ग ।”

3

ⓂⓂⓂⓂⓂⓂ ⓂⓂⓂⓂⓂⓂⓂ ⓂⓂⓂⓂⓂⓂⓂⓂ ⓂⓂ ⓂⓂⓂⓂⓂⓂ ⓂⓂⓂⓂⓂ ⓂⓂⓂⓂⓂ
 ⓂⓂⓂⓂ ⓂⓂⓂⓂⓂⓂ

(ⓂⓂⓂⓂⓂⓂ ⓂⓂ:Ⓜ-ⓂⓂ; ⓂⓂⓂⓂⓂ Ⓜ:Ⓜ-ⓂⓂ)

1 येशू च्हां धिंर धबै ह्यामा चर यो कारयासि ओलेल् आतबै म्हि घ्नि मुँल ।

2 “के लल् आतबै प्रिबै त्हिंइरै येशूजी च म्हि सल् लमिंम् उ?” बिसि छ्याब ल्हैदिबै सैले को-कोइ म्हिमैँ येशूए छैँ लरिल ।

3 येशूजी च यो ओलेल् आतबै म्हिने, “क्हि छुइ खो,” बिइ ।

4 च लिउँइ येशूजी चर मुँब्मैने बिइ, “प्रिबै त्हिंइर परमेश्वरए छ्वेर बिब् धोले खैबै के लब छ्याँब मुँ, छ्याँबै के लब् उ, आछ्याँबै के लब? म्हि जोगेदिब् उ, नास लब, तो छ्याँब मुँ?” छ्बिमा चबैँ म्हिमैँ तोइ आबिल्ले टिरिइ ।

5 च म्हिमैँए छाबै सारो सैँ म्रोंसि येशूए सैँ नसि ह्दिस खइ । धै चर खागु तबै म्हिमैँ डाँइ इह्योसि च नबै म्हिने “क्हिए यो स्योन्!” बिमा च म्हिइ यो स्योँइ । धै स्योँबै तोदोन् चए यो सयाइ ।

6 छतब् म्रोंसि यहूदी ठिम बेल्ले छेनाले म्हाँदिबै टोलिबैँ फरिसीमैँ च्हां धिंउँले बैरु त्हांइ ह्यासि येशूलाइ खैले सैले बिसि हेरोद मुँए म्हिमैँने सल्ला लबर होंइ ।

✱ 2:26 2:25-26 0 000 00:१-६; लेबी २४:९

000000 00000000 0000000 0000000000

7 च लिउँई येशू ह्रांसए चेलामेंने तालउँई ह्यामा चर म्हिए हुल येशूए लिलि खइ। गालील ह्युलउँईले, यहूदीया ह्युलउँईले,

8 यरूशलेम सहरउँईले, इदुमिआ ह्युलउँईले, यर्दन क्योजाउँईले, टुरोस नेरो सीडोन बिबै सहरजरेबै ल्हें म्हि येशूजी लबै औदिबै छ्याँबै केमैए बारे थिसि खी डाँर खइ।

9 म्हिए हुलइ खीलाइ आप्लेरिगे बिसि येशूजी ह्रांसए ल्हागिर चेलामेंने डुँडगा पखबर ल्हैदिइ।

10 तलेबिस्याँ खीजी ल्हें नबै म्हिमै सल् लमिल, छतसि नब् छ्भैइ येशूलाइ छुइबै ल्हागिर किह खगा ड खगा लरिल।*

11 मोंइ स्याबै म्हिमैइ येशूलाइ म्रांसि पत्खु तसि “किह परमेश्वरए च्हा ग बिसि चिरमल।”

12 दिलेया येशूजी च मोंमेंने हौदिसि “ड खाब् जा बिसि व्हेमैइ खाबलाज्यै आबिद,” बिइ।

00000000 00000000 00000 000000000000 000000
0000000000 000000000
(00000000 00:0-0; 00000 0:00-00)

13 च लिउँई येशू कोर ह्यासि खीजी त्हाँबै चेलामें हुइमा चमैं येशू डाँर खइ।

14 खीने बालु टिबर नेरो परमेश्वरउँईले खबै सैं तोंबै ताँ विप्रबर येशूजी च्युसे डिह चेलामें त्हाँइ।

15 धै मोंमैं ल्हाबै हग या चेलामेंलाइ पिंइ।

16 च च्युसे डिहं चेला चिभ्मैए मिं छ्हाब् मुँलः सिमोन, चए मिं येशूजी पत्रुस थेंइ,

* 3:10 3:9-10 0000 0:१; लूक ५:१-३

17 जब्दियाए च्ह याकूब नेरो याकूबए अलि यूहन्ना। येशूजी चमैए मिं बोअनरिगेश थेंइ, चए अर्थ मु इहेबए च्हमै ग।

18 झाइले अन्द्रियास, फिलिप, बारथोलोमाइ, मत्ती, थोमा, अल्फयसए च्ह याकूब, थेंदियास, सिमोन कनानी,*

19 छलेन येशूलाइ धोका पिसि कहाल् पिबै यहूदा इस्करियोत।

ॐॐॐॐ ॐॐॐॐ ॐॐॐॐॐॐॐॐ ॐॐॐॐ ॐॐॐॐॐॐॐॐ ॐॐॐॐ
(ॐॐॐॐॐ ॐॐ:ॐॐ-ॐॐ; ॐॐॐॐ ॐॐ:ॐॐ-ॐॐ; ॐॐ:ॐॐ)

20 च लिउँइ येशू धिंर ह्यामा चर म्हिए हुल खागु तखइ। छतमा येशू नेरो खीए चेलामैइ चब चलै आयो।

21 चु ताँ थेसि येशूए परवाइ खी किंबर खइ, तलेबिस्याँ म्हिमैइ “येशूए सैं कल्ह्योर आरे” बिमल।

22 यरूशलेमउँइले खबै को-कोइ शास्त्रिमैइ “येशूने बालजिबुल† बिबै मों मुँ, च मोमैए चिबउँइले शक्ति योसि चइ मोमै ल्हाल् खाँमना बिसि छ्याब् ल्हैदिइ!”☆

23 छ बिब थेसि येशूजी चमै खी डाँर हुइसि ताँ कहोमिंबै ल्हागिर चु अहान् बिइ, “दुष्टइ खैले दुष्ट ल्हाल् खाँमुँ?

24 ह्युल घिबैँ म्हिमै आक्हिस्याँ च ह्युल लिउँइ समा टिक्दल् आखाँ।

25 छलेन धिं घिबैँ म्हिमै या आक्हिस्याँ च धिं लिउँइ समा टिक्दल् आखाँ।

26 च धोलेन् दुष्ट ह्योसनेन् आक्हिस्याँ चै या लिउँइ समा टिक्दल् आखाँ, छतसि च युनन् नास तयाब्मुँ।

ॐॐॐॐॐॐ ॐॐॐॐॐॐॐॐ ॐॐॐॐॐॐ ॐॐॐॐॐॐ

* 3:18 3:18 ॐॐॐॐ ॐॐॐॐ ॐॐॐॐॐॐ ॐॐ ॐॐॐॐ ॐॐॐॐ “ॐॐॐॐॐॐ ॐॐॐॐॐॐॐ ॐॐॐॐॐॐ ॐॐ ॐॐॐॐॐॐॐॐॐ” † 3:22 3:22 ॐॐॐॐॐॐॐॐ ॐॐॐॐॐ ॐॐॐ ॐॐॐ ☆ 3:22 3:22 ॐॐॐॐॐ ॐ:३४; १०:२५

27 “खाबज्यै या भोबै म्हिण् धिंर होंसि चर्बै सैमै ह्योदा इहाँस्याँ, चइ ओसों च भोबै म्हि फैथैल् त्हुम्, धै बल्ल ह्योल् खाँम् ।

28 “क्ह्रोसेन ड क्हेमैने बिमुँ, म्हिमैइ लबै पापमै नेरो परमेश्वरए बिरोधर खैबै ताँमै पोलेया क्षमा योल् खाँम्,

29 दिलेया परमेश्वरए पबित्र प्न्हए बिरोधर पोँब्मैइ क्षमा योल् आखाँ । च खोंयोन् बिलै दोषिन् ठदिब्मुँ ।”☆

30 शास्त्रिमैइ खीने बालु मों मुँ बिल, छत्तसि येशूजी चु ताँ बिइ ।

22222 222 2222 222222
(222222 22:22-22; 2222 2:22-22)

31 झाइले येशूए आमा नेरो अलिमै चर खइ, धै बैरुन् रासि येशूलाइ हुइबर ल्हैदिइ ।

32 येशूए कारग्युले म्हिण् हुल मुँल, च म्हिण् हुल न्होँबै म्हिमैइ बिइ, “ओ गुरु, क्हिण् आमा नेरो अलिमैइ क्हिलाइ बैरु हुइमुँ ।”

33 दिलेया येशूजी चमैने बिइ, “डए आमा नेरो अलिमै खाब जा?”

34 झाइले खीजी ह्रोँसए कारग्युले टिबै म्हिमै डँइ इह्योसि बिइ, “इह्योद्, डए आमा नेरो अलिमै चुमैन् ग ।

35 तलेबिस्याँ परमेश्वरजी बिब् धोँले लब्मैन् डए अलि, अडाँ, नेरो आमा ग ।”

4

2222 222222 222
(222222 22:2-2; 2222 2:2-2)

1 येशूजी धबै गालीलबै तालए छ्योगर परमेश्वरए ताँ लोमिंबर होंमा चरै या म्हिण् हुल तखइ । छत्तसि येशू डुँङ्गार

क्रेसि तालए छ्योगउँडले दे क्याइ ह्यासि डुङ्गारर्न टिइ । म्हिमें बिस्याँ तालए रेजरेन् टिरिल ।*

2 येशूजी अहानउँडले ल्हें ताँ चमैलाइ* लोमिदै बिइ,

3 “थेद, म्हि घ्नि प्लु प्लुबै ल्हागिर ह्याइ ।

4 झाइले प्लु प्लुमा कोइ घ्याँजरे फेइ, धै च प्लुमें नेमेमें खसि चवाइ ।

5 कोइ प्लुमें गेगरर फेइ । चर स ल्हें आरेबइले प्लु युनन् म्लोइ ।

6 दिलेया जरा छेन्ते च्योल् आयोबइले त्हिंयाँ प्रेबै तोदोन् च प्लु डचोँलोयासि कारयाइ ।

7 कोइ प्लु पुजु मुँबै क्ल्ह्योर फेइ । पुजुए छ्यारइ च प्लु सैवाइ । छ्तसि रा-रोमै रोल् आखाँ ।

8 झाइले कोइ प्लु छ्याँबै सर फेइ । च प्लु म्लोखसि थेब ततै ह्याइ । धै कोइ सोच्यु गुणा, कोइ टुच्यु गुणा, कोइ प्र गुणा रा-रोमै ल्हें तइ ।”

9 च लिउँड येशूजी बिइ, “न्ह मुँबैइ थेरिगे ।”

ॐॐॐॐॐॐ ॐॐॐॐ ॐॐॐॐॐॐ ॐॐॐॐॐॐॐॐ ॐॐॐॐॐॐॐॐ
(ॐॐॐॐॐॐ ॐॐ:ॐॐ-ॐॐ; ॐॐॐॐॐ ॐ:ॐ-ॐॐ)

10 च लिउँड येशू खी घ्निन् मुँमा खीए ताँमें थेबै कोइ म्हिमें नेरो च्युसे डिह चेलामैँइ अहानए बारेर डचोएइ ।

11 येशूजी चमैने बिइ, “परमेश्वरए ग्याल्सबैँ क्होल् आखाँबै ताँ डइ क्हेमैने बिमिडमुँ, दिलेया अरू म्हिमेंने बिस्याँ अहानउँडले मत्त्रे बिम् ।

12 ड तले छले बिम् बिस्याँ, परमेश्वरए छवेर छ बिबै ताँ पूरा तरिगे:

‘चमैँइ इह्योबम् इह्योमुँ, दिलेया म्रोल् आखाँ,
थेबम् थेमुँ, दिलेया क्होल् आखाँ ।

☆ 4:1 4:1 ॐॐ ॐ:१-३

*

4:2 4:2 ॐॐॐॐॐॐॐॐ ॐॐॐॐ ॐॐ ॐॐॐॐॐॐॐ ॐॐ ॐॐॐॐॐ ॐॐॐॐॐॐॐ

ॐॐॐ ॐॐ ॐॐॐॐॐॐ ॐॐॐॐ

चमैइ प्रोल् खाँस्याँ, झाइले कहोल् खाँस्याँ,
परमेश्वरउँइँ सैं एमल,
झाइले परमेश्वरजी क्षमा पिंमल ।” ☆

????? ???? ???? ???? ???? ????
(???? ??:??-??; ???? ??:??-??)

13 झाइले येशूजी चमैने बिइ, “कहैमैइ चु ताँए अर्थ आकहो वा?
छ बिस्याँ अरू अहानमैं खैले कहोल् खाँम्?

14 ल्हु, थेद, चाए अर्थ छले गः प्लु प्लुबै म्हि परमेश्वरए बचन
बिमिबै म्हि धों तब ग ।

15 कोइ म्हिमैं घ्याँर फेबै प्लु धोंबन् मुँ । चमैइ परमेश्वरए ताँ
थेबै तोदोन् दुष्टइ चमैइ थेबै ताँ फ्हेबोम् । छतसि क्वेल् आपि ।

16 कोइ म्हिमैं गेगरर तेबै प्लु धोन् तम् । चमैइ परमेश्वरए ताँ
थेसि सैं तोन्लेन् क्वेम्,

17 दिलेया च ताँ चमैए सैंर जरा आझों । छतसि दे त्हिंइ समा
छ्याँबन् तमुँ, दिलेया परमेश्वरए ताँइ बिब् धोंले प्ररिमा तोइ दुःख
तइबिस्याँ, म्हिमैइ ह्गुदिस्याँ, चमैइ ‘चुम् आत’ बिसि पिवाम् ।

18 कोइ म्हिमैं पुजु न्होर फेबै प्लु धोन् तम् । चमैइ परमेश्वरए
ताँ थेम्,

19 दिलेया चमैइ चु ह्युलबै सैमैर न्हुँ लसि, सैन्होरए
(सम्पत्तिए) लोब लसि, ह्युलबै सैमैर सैं ह्यासि चमैए सैंर
परमेश्वरए ताँमै फारल् आपि ।

20 दिलेया कोइ म्हिमैइ परमेश्वरए ताँ थेसि छेनले क्वेम्,
झाइले छ्याँबै क्ल्ह्योर प्लु फेब् धोंले परमेश्वरए ताँ फारम् । धै
ल्हे रोमैं रोम् कोइ सोँच्यु, कोइ टुच्यु, कोइ प्र रोमैं पिंम् ।”

????? ???? ????
(???? ??:??-??)

30 झाइले येशूजी बिइ, “परमेश्वरए ग्याल्स तो सैने च्हेले? खैबै अहान् बिले?

31 चम् च्युगुथिरि प्लु‡ धों तब् ग। च प्लु ताँन् भन्दा च्योबै फुँ मुँलेया

32 लिउँइ च फुँ थेब तमुँ, धै ताँन् प्याँ-पिं ट्हामैँ भन्दा थेब तम्, चइ थे-थेबै हाँगमैँ झोम्। छतमा मुबैँ नेमेमैँइ च धुँए हाँगर च्हाँ थाम्।”

33 म्हिमैँइ कहोन् समा येशूजी चमैँने छाबै ल्हेँ अहान् झोँसि ताँ विमिँइ।

34 अहान् आझोँन्ले येशूजी चमैँने आपोँमल, दिलेया खीए चेलामैँने बिस्याँ खाबज्यै आसेल्ले ताँन् ताँए मतलब कहोमिँमल।

ॐॐॐॐॐॐ ॐॐॐ-ॐॐॐ ॐॐॐॐॐ ॐॐॐॐॐ
(ॐॐॐॐॐ ॐ:ॐॐ-ॐॐ; ॐॐॐॐ ॐ:ॐॐ-ॐॐ)

35 च डेसार येशूजी खीए चेलामैँने बिइ, “छ्यो! ड्यो तारे ताल क्योँजा ह्याले।”

36 छबिसि म्हिए हुल चर्न वाथेंसि च चेलामैँइ खी क्हुँरिबै डुँङ्गान् येशू बोयाइ। येशू क्नेबै डुँङ्गाने अरू डुँङ्गामैँ या ह्यारिल।

37 ह्यामा ह्याम् चर बेल्ले थेबै नाँ-खें तसि भेल्गाइ डुँङ्गार ल्हिमा डुँङ्गार क्यु प्लिंयाल् म्हैइ।

38 येशू डुँङ्गाए लिउँइ हार क्नेगुँ झोँसि न्हरु च्हुइरिल। छतमा चेलामैँइ येशूने “ओ चिब, ड्यो सिबर होंइ किहजी तोइ न्हुँ आल वा?” बिदै छोरवाइ।

‡ 4:31 4:31 ॐॐॐॐॐॐॐ ॐॐॐ ॐ ॐॐॐॐ ॐॐॐ ॐॐॐॐॐॐ ॐॐॐॐॐ Brassica nigra (ब्रासिका निग्रा) बिबै खाल भ्रिबैँ दहा प्रयोग लइ। यहूदीमैँइ न्हबै दहामैँ न्होरि चए प्लु ताँन् भन्दा च्योबै मुँल, दिलेया म्लोसि चए धुँ मितर सोँ प्लि समा तब्मुँ।

39 येशू रेसि नाँ-खैं हौदिसि तालए भेलगाने “च्याँ तयाद्!” बिबै तोदोन् नाँ-खैं टियाइ।

40 झाइले येशूजी चेलांमैने बिइ, “कहेमैं तले छले डिहंल? कहेमैंने अझै बिश्वास आरे वा?”

41 दिलेया चमैं झन् बेल्ले डिहंसि खें-खेंमैंए न्होर “चु खैबै मिह जा? नाँ-खैं नेरो तालज्यै या खीजी बिब् डिब् मुँन,” बिसि ताँ लबर होंइ।

5

000000 0000 0000000 00000 000 000000
(000000 0:00-00; 0000 0:00-00)

1 झाइले खेंमैं तालए क्योँजा गिरासिनी बिबै क्ल्हयोर फेनेइ।

2 चर येशू डुँडगाउँडले बैरु त्होंबै तोदोन् मोँइ स्याबै मिह भ्रि छगोँउँडले खरिब त्होइ।

3 च छगोँजरे टिमल। खाबज्यै चलाइ सँउँलिइ फैथेंल आखाँमल।

4 तलेबिस्याँ ल्हें खे च मिह सँउँलिइ फैथेंमल, दिलेया चइ सँउँलि टोँवामल। खाबज्यै या चलाइ कहाल आखाँमल।

5 त्हांयाँ, म्हँइँसा च मिह छगोँ नेरो कोँजरे ओरदै ह्रोंसलाइन युँमाइ रुपदै प्रमल।

6 छले प्ररिमा चइ ह्रेंगोँउँडले येशू खरिब प्रोँमा न्हेह्यासि खीलाइ फ्योइ।

7-8 येशूजी चने “ओ मोँ, चु मिह उँडले त्होंइ खो” बिमा

च मिहइ थेबै कैले बिइ, “ओ ताँन् भन्दा थेबै परमेश्वरए च्ह येशू, किहजी ड तो लल् म्हैल? ड किहने यो छयुँ लमुँ, ड दुःख आपिन्।”

9 झाइले येशूजी चने “किहए मिं तो जा?” बिसि डचोएमा चइ येशूने बिइ, “डए मिं फौज ग तलेबिस्याँ डि ल्हेन् मुँ।”

10 झाइले स्यागि म्होंगिमैं च कल्हयोउँडँले बैरु आल्हामिन् बिसि च म्हिइ येशूने यो छ्युँ लइ।

11 चबै पखजरे तिलिए थेबै बगाल रेंरिल।

12 “डि च तिलिमैए डार ह्याल् पिन्, डि चमैं न्होर होम्,” बिसि च मोमैंइ येशूने यो छ्युँ लइ।

13 झाइले येशूजी चमैंने ह्याद् बिमा मोमैं च म्हिउँडँले त्होंसि तिलिमैए न्होर हाँबै तोदोन् हजार डिहंदे तिलिमैं प्रोउँडँले तेयासि तालर प्लहुँह्यासि सियाइ।

14 छतमा च तिलि छबै प्लोँछेंमैं नाँसउँडँ न्हेह्यासि नाँस नाँसजरे छ छ तइ बिइ। झाइले तो तगे बिसि ताँन् म्हिमैं चर इह्योबर खइ।

15 चमैं येशू डार खमा मोइ स्याबै म्हि सैं चिसि क्वें खिसि टिरिब् प्रोइ। छाव् प्रोसि चमैं या डिहंद।

16 झाइले च ताँमैं प्रोबै म्हिमैंइ चर खबमैंने मोइ स्याबै म्हि नेरो च तिलिमैए बारे ताँन् ताँ बिमिइ।

17 चु ताँ थेसि “चु कल्हयोउँडँले ह्यामिन्,” बिसि च म्हिमैंइ येशूने यो छ्युँ लइ।

18 येशू ह्याबै ल्हागिर डुँडगा केवर होमा मोइ स्यासि सबै म्हिइ येशूने बालु ह्याम् बिसि यो छ्युँ लइ।

19 दिलेया खीजी च म्हिलाइ खल् आपिं। बरु “क्हिहए धिंर ह्यासि परमेश्वरजी क्हिहए फिर ल्हयो खसि क्हिहए फिर कति थेबै के लमिइ बिब क्हिहए म्हिमैंने बिमिन् बिसि खीजी चने,” बिइ।

20 छ बिबै ताँदोन् च ह्यासि येशूजी खीए फिर थेबै के लमिइ बिसि डेकापोलिस ह्युलर बिप्रबर होंइ। चए ताँ थेसि ताँन् म्हिमैं प्लेटोयाइ।

ॐॐॐॐॐॐ ॐॐॐॐॐॐ ॐॐॐॐ ॐॐॐॐॐॐ ॐॐॐॐॐॐ ॐॐॐॐॐॐ
ॐॐॐॐॐॐॐॐ

(ॐॐॐॐॐॐ ॐ:ॐॐ-ॐॐ; ॐॐॐॐ ॐ:ॐॐ-ॐॐ)

21 च लिउँडै येशू डुङ्गा क्रेसि तालए चोंजा एखमा चर म्हिए हुल खीए कार्ग्यु तखइ ।

22 चबै च्हों धिबै चिबैं न्होंबै याइरस बिबै म्हि घि चर खइ, धै येशू म्नोंसि खीए फ्लेर फ्योसि

23 “डए च्हमि च्योब्स्यो नसि सार तइमुँ। छतसि च ससि सोरिगे बिसि किह डए धिर खसि चए फिर यो थेंमिन्,” बिसि चइ यो छ्युँ लइ ।

24 छबिमा येशू च म्हिने ह्याइ । म्हिए हुल या येशूए लिलिन् ह्याइ, खीए कार्ग्यु ल्हें म्हि तबइले म्हिमैं खीने थुरमल ।

25 चर च्युसे डिहं बर्ष ओंसों ओनोंन् को त्हसि नरिबै च्हमिरि घि मुँल ।

26 ल्हें बैद्यमैंने मैं ललेया च सल् आखाल । चने मुँबै मुइ ताँन् नुयाल, नब बिस्याँ आसल, बरु झन् सार ततै ह्याल ।

27 येशूजी नब छ्बैं सल् लमिंम् रो बिबै ताँ चइ ओंसोंन् थेल, छतसि म्हिए हुल न्होंर होंसि चइ लिउँडैले खसि येशूए क्वेंर छुइ ।

28 तलेबिस्याँ “येशूए क्वें मत्त्रे छुइल् योलेया ड क्होंसेन्ले सयामल,” बिसि चइ सैं न्होंर मैल ।

29 छले येशूए क्वें छुइबै तोदोंन् च च्हमिरिए को त्हब टियाइ । छतमा ह्नोंस सयाब चइ था सेइ ।

30 च तोदोंन् येशूजी ह्नोंसउँडैले शक्ति त्होंह्याब था सेसि म्हिए हुलउँडै तोसि “डए क्वें खाबइ छुइ?” बिसि डचोएइ ।

31 च्हमा येशूए चेलामैंइ खीने बिइ, “च्हौ ल्हें म्हि ह्नोंसने थुरब सेनासेन्, ‘डलाइ खाबइ छुइ’ बिसि डचोएब् वा?”

32 दिलेया येशूजी खी छुइबै म्हि खाब् मुँगे बिसि छाइ छुइ इह्योबर होंइ ।

33 च च्हमिरि सब था सेसि डिहंसि त्हारदै येशूए ओंसों च्हि तुँसि ह्नोंसने तबै ताँन् ताँमैं येशूने बिइ ।

2 धै प्रिबै त्हिंइरि येशू च्हों धिंर ह्यासि म्हिमैने परमेश्वरए ताँ लोमिंर होइ । खीए ताँ थेब्मै न्होबै ल्हें म्हिइ अचम्मा इहाँसि छ्, बिइ, “चु म्हिजी छाबै ताँमैं खनिउँइले ह्रगे? चु म्हिजी योंबै ज्ञान खैब जा? चु म्हिउँइले छाबै अचम्माबै केमैं खैले तब् जा?

3 चुम् सिंए के लबै म्हि आडिं वा? चु मरियमए च्ह, याकूब, योसेफ, यहूदा नेरो सिमोनए आधें, आडिं वा? खीए अडामैं या चुर्न मुँ!” छ् बिसि चमैइ खी म्हि आच्छिन् लइ ।

4 छ्त्तमा येशूजी चमैने बिइ, “अगमबक्ताइ खन्तोदोन् मान योंमुँ, दिलेया ह्त्रोंसए नाँसर, ह्त्रोंसए म्हिमैए म्हाँजोर, नेरो ह्त्रोंसए धिंर मान आयों ।”☆

5 येशूजी खीए नाँसर को-कोइ नबै म्हिमैए फिर ह्त्रोंसए यो थेंसि चमैं सल् लमिंबै के बाहेक अरू औदिबै केमैं तोइ लल् आखाँल । तलेबिस्याँ चमैइ बिश्वास आल ।

6 चमैइ खीए फिर बिश्वास आलब् म्रोंसि येशू प्लेटोयाइ ।

ॐॐॐॐॐॐ ॐॐॐॐॐॐ ॐॐॐॐॐ ॐॐॐॐॐॐॐ ॐॐॐॐॐॐॐॐॐ
ॐॐॐॐॐॐ ॐॐॐॐॐॐॐॐ ॐॐॐॐॐ
(ॐॐॐॐॐ ॐॐ:ॐ-ॐॐ; ॐॐॐॐ ॐ:ॐ-ॐ)

झाइले येशू च जरेबै नाँसजरे परमेश्वरए ताँ लोमिंदै प्रइ ।

7 खीजी च्युसे डिहं चेलामैं खी डार हुइसि डिहं-डिहं लसि चमैलाइ मोंमैं ल्हाबै हग नेरो शक्ति पिंइ ।

8 धै खीजी चमैने बिइ, “छ्ले ह्यामा क्हेमैइ चबै सैमैं, इयोल, मुइ तोइ आबोद् । फ़रे बिस्याँ किन्,

9 जुत्ता खिदु, दिलेया फेदिबै क्वेंमैं आबोद् ।”

10 धबै येशूजी चेलामैने बिइ, “क्हेमैं नाँसर ह्यामा खाबै धिंर क्हेमैए मान् लमुँ, च नाँसउँइले आत्होंन् समा च धिंर्न टिद् ।

11 को-कोइ कल्ह्योर फेनेमा म्हिमैइ कहेमैए मान आलस्याँ, कहेमैइ बिबै ताँ आथेस्याँ, च कल्ह्योउँडले त्होमा चमैए बिरोधर ग्वाइ पिबै ल्हागिर कहेमैए फ्लेबै त्हुल खारथेन् ।”*✧

12 च लिउँड चेलामैँ छाइले त्होह्यासि “ताँन् म्हिमैने ह्त्रोसए आछ्याँबै बानि पिसि परमेश्वरउँड सैँ एद्,” बिसि बिप्रइ ।

13 झाइले च चेलामैँइ मोँइ स्याबै ल्हें म्हिमैँउँडले मोँमैँ ल्हाइ धै ल्हें नबै म्हिमैँलाइ [प्राथना लदै] छ्युगु फोसि सल् लमिँइ ।✧

*[[[[[[[[[[[[[[[[[[[[[[[[[[[[[[[[[[[[[[
[[[[[[[[[[[[[[[[[[[[[[[[[[[[[[[[[[[[[[[[[[*

14 येशूजी लबै केए बारेबै ताँमैँ खन्तोदोँन् थेनेल । छतसि हेरोद मुँज्यै या खीए बारेबै ताँ थेइ । को-कोइइ “बप्तिस्मा पिबै यूहन्ना सिबउँडले सोसि खना! छतैग चइ औदिबै केमैँ लल् खाँना बिमल ।”

15 दिलेया कोइइ, “चुम् एलिया बिबै अगमबक्ता ग,” बिइ । को-कोइइ “चुम् स्योम्बै अगमबक्तामैँ न्होँबै घ्नि धोँ तब् ग,” बिइ ।✧

16 दिलेया हेरोदइ चु ताँ थेसि बिइ, “चुम् क्हर्रोसेँन् यूहन्ना ग । चए ऋ डइ थोबर ल्हैदिल, चम् सोइ खना ।”

17 तलेबिस्याँ च भन्दा ओँसोँ हेरोद मुँइ ह्त्रोसए अलि फिलिपए फ्लेंस्यो हेरोदियासने ब्ह्या लल । छतसि “ह्त्रोसए अलिए फ्लेंस्योने ब्ह्या लल् आत!” बिसि यूहन्नाइ बिबइले हेरोदइ यूहन्नालाइ क्हाबर ल्हैदिसि फैसि झेलर च्युवाल ।

18 छतमा च हेरोदियासइ बिब् धोँले हेरोदइ सिपाइमैँ कुलसि यूहन्ना झेलर च्युवाइ ।✧

✧ 6:11 6:8-11 000 00:४-११ * 6:11 6:11 00000000 000000000 00000 00000000 0 000 000 000000 000000 0000000000 000000 000 0000000 00000 0000 00000 00000 “000 000000000 000 000” 0000 000000 ✧ 6:11 6:11 00000000 00:५१ ✧ 6:13 6:13 000 0:१४ ✧ 6:15 6:14-15 000000 00:१४; मर्क ८:२८; लूक ९:१९ ✧ 6:18 6:17-18 000 0:१९-२०

19 हेरोदियासइ यूहन्नाने इख थेंसि चलाइ सैबै सैं लल, दिलेया सैल् आखाँल,

20 तलेबिस्याँ यूहन्ना ठिक के लबै पबित्र म्हि मुँ बिबै ताँ हेरोदइ सेल । छतसि हेरोद चने इहंसि सैल् आपिल । यूहन्नाए ताँ थेमा हेरोद खैताखैता तमल दिलेया सैं तोंदै चए ताँ थेमल ।

21 लिउइ मत्त्रे हेरोदियासइ यूहन्ना सैबै मौका योंइ । च त्हिंइ हेरोद मुँ फिबै त्हिंइ मुँल । छतसि हेरोद मुँइ ह्योसए दरबारबै क्रथे मिंथेमें, कप्तानमें नेरो गालील ह्युलबै चिबनाँब्यैए ल्हागिर भत्यार लइ ।

22 च्हमा हेरोदियासए च्हमि भोज चबै कोठार खसि सेइ । छले सेसि हेरोद नेरो चर मुँबै ताँनए सैं तोंन् लइ । छतमा हेरोदइ चने बिइ, “क्हिइ डने तो ह्निदा इहाँइमुँ ह्निद, तो ह्निदिया डइ क्हिलाइ पिस्यो!”

23 कसम चसि चने बिइ, “डए आधा ग्याल्स ह्निदिया डइ क्हिलाइ पिस्यो ।”

24 छबिमा च बैरु त्हाँह्यासि चए आमामे “डइ तो ह्निद?” बिसि डचोएइ ।

चए आमाइ बिइ, “बप्तिस्मा पिबै यूहन्नाए क्र ह्निद ।”

25 आमाइ छ बिबै तोदोंन् च हेरोद मुँ डार ह्यासि बिइ, “बप्तिस्मा पिबै यूहन्नाए क्र थलिर झोंसि तोगोंन् उलाइ पिन् । डइ ह्निदा इहाँब चुन् ग ।”

26 चु ताँ थेसि हेरोद बेल्ले न्हँ खइ, दिलेया भत्यारर मुँबै फ्हेँमेंए उँर कसम चसि क्हिइ तो ह्निदिया पिम् बिबइले हेरोदइ “आपिं,” बिल् आखाँ ।

27 छतसि हेरोद मुँइ सिपाइ घि कुलसि यूहन्नाए क्र पखबर ल्हेदिइ । धै सिपाइ झेलर ह्यासि यूहन्नाए क्र थोइ ।

28 झाइले थलिर झोंसि च च्मिरिने पिंइ । च च्मिरिइ क्र बोसि ह्योसए आमामे पिंइ ।

38 येशूजी चमैने बिइ, “कहेमैने कति पो कहेँ मुँ? ह्यासि डचोद।”

इह्योबै लिउँइँ चमैँ खसि येशूने “कहेँ इहपो नेरो ताँग इहं मुँनमैँ,” बिइ।

39 झाइले येशूजी “चर मुँबैँ म्हिमैँलाइ टोलि टोलि लसि ल्हस्यारल्ले चउरर कहुँबर ल्हैदिद,” बिइ।

40 झाइले चमैँ कोइ इहच्यु इहच्युए टोलि लसि ल्हस्यारल्ले कहुँइ। कोइ प्र प्रए टोलि लसि ल्हस्यारल्ले कहुँइ।

41 झाइले येशूजी च कहेँ इहपो नेरो ताँग इहं किसि मुउँइँ इह्योसि परमेश्वरलाइ धन्यवाद पिंइ। धै च कहेँ लुँसि “म्हिमैँ चुमिंन्,” बिसि चेलामैँने पिंइ। छलेन खीजी ताँग इहं या ताँनलाइ चुमिंइ।

42 झाइले ताँनइ बेल्ले म्नेन्ले चइ।

43 म्हिमैँइ चल आखाँसि डैबैँ कहेँ लुँठेँ चेलामैँइ खुमा च्युसे इहं टहलो तल।

44 कहेँ चबैँ आमुयुँमैँ मत्त्रे हजार इह मुँल।

□□□□□ □□□□□ □□ □□ □□□□□
(□□□□□□ □□:□□-□□; □□□□□□□□ □:□□-□□)

45 म्हिमैँइ चल खाँबैँ तोदोन् येशूजी ह्रोंसए चेलामैँ डुँङ्गार क्रेसि खेमैँ ह्याब् भन्दा ओंसोन् तालए क्योजा बेथसेदा बिबैँ कल्ह्योर कुलइ। छले कुलबैँ तोर्न म्हिमैँलाज्यैँ या खेमैँए धिर कुलइ।

46 च म्हिमैँ ह्याबैँ लिउँइँ येशू कौर प्राथना लबर ह्याइ।

47 डेसा तबि छेमा चेलामैँए डुँङ्गा तालए म्हाँजोर मुँल। येशू बिस्याँ कोर्न मुँल।

48 च त्हेर उल्टोले थेबै खैं खसि डुङ्गा ओलेब बेल्ले गारो तरिल । नाँ न्होबै छझँ, सों ह्हाबै त्हेजरे येशू तालए फि फि प्रखसि चेमैं भन्दा ओंसां ह्याल् म्हैइ ।

49 दिलेया चेलामेंइ येशू तालए फिर प्ररिब् म्रोसि “मों मुँन!” बिसि चिरइ ।

50 तलेबिस्याँ खी क्युए फिर प्रब् म्रोसि चमैं डिहंयाँल ।

दिलेया येशूजी युन्ले चमैंने भोंब तद्, “आडिहंन्! डन् ग,” बिइ ।

51 च्ही बिसि येशू चमैंए डुँङ्गार क्रेइ । खी डुँङ्गार क्रेबै तोदोंन् खैं टियाइ । छ तब् म्रोसि चमैं प्लेटोयाइ,

52 तलेबिस्याँ खीजी क्हें ड्हपो नेरो ताँग डिहंउँले हजार ड्ह म्हिमें चल् पिंभ म्रोलेया “येशू खैबै म्हि मुँगे” बिसि चमैंइ अझै आक्होल, तलेबिस्याँ चमैंए सैं सारो तल ।

ॐॐॐॐॐॐ ॐॐॐॐ ॐॐॐॐॐॐॐॐॐ ॐॐॐॐॐॐ ॐॐॐॐॐॐ
ॐॐॐॐॐॐॐॐ ॐॐॐ ॐॐॐॐॐॐॐॐ
(ॐॐॐॐॐॐ ॐॐ:ॐॐ-ॐॐ)

53 झाइले चमैं तालए चोंजा गनेसरत बिबै ह्युलर फेखबै लिउँइ डुँङ्गा छ्योगर पखसि फैथेंइ ।

54 खेंमैं डुँङ्गाउँले त्हांबै तोदोंन् म्हिमेंइ येशूलाइ डो सेइ ।

55 छतसि चमैं च जरेबै ह्युलजरे न्हेह्यासि नबै म्हिमें रोबै क्ल्ह्योनेन् येशू मुँबै क्ल्ह्योर पखबर होंइ ।

56 खी नाँसजरे ख-खनर ह्यामुँ च-चर्न म्हिमेंइ नबै म्हिमें घ्याँ-घ्याँन पखसि थेंमिमल, धै “क्हिए क्वेंए डो मत्त्रे छुइल् पिंन्” बिसि नबै म्हिमेंइ येशूने यो छ्युँ लइ, धै येशूए क्वें छुइभैं ताँन् सयाइ ।

10 'ह्लोसए आबा-आमाए मान लद् ।' धै 'खाबइ ह्लोसए आबा आमाए बिरोधर आछ्याँबै ताँमैं पोंमुँ छाबै म्हिलाइ सैबै सजैं पिन्,' बिसि मोशाइ स्योमन् बिथेंल ।*

11 दिलेया क्हेमैइ लोमिमा: 'ह्लोसए आबा आमालाइ ल्होबर पिंबै तो मुँले सै परमेश्वरलाइ पिल् त्हुबै सै* ग ।' बिम् बिस्याँ,

12 'च म्हिइ ह्लोसए आबा आमालाइ तोइ पिल् आत्हु' बिम् ।

13 छले ह्लोसइ लरिबै छ्याए लिलि प्रसि क्हेमैइ परमेश्वरए ताँमैं थोवाम् । छलेन क्हेमैइ अरू ल्हें आतबै केमैं लरिइमुँ ।"

222 2222 222 222
(222222 22:22-22)

14 झाइले येशूजी म्हिए हुल खी डार हुइसि बिइ, "क्हेमैं ताँनइ डए ताँ थेसि कहोद् ।

15 चबै सैइ म्हिलाइ पापर च्होवाल् आखाँ, बरु म्हिए सैं न्होंउँडले त्हांबै ताँमैंइ म्हिलाइ पापर च्होवाम् ।

16 [धेबै न्ह मुँबमैइ थेरिगे ।]"†

17 झाइले म्हि हुलउँडले त्हांसि धिं न्होर होंबै लिउँड खीए चेलामैइ येशूने च अहानए बारेर डचोएइ ।

18 येशूजी चमैने बिइ, "क्हेमैंज्यै या अझै आक्होइमुँ वा? सुँउँडले म्हिए फो न्होर होंबै सैइ पापर च्होल् आखाँ बिसि क्हेमैइ आसेइमुँ वा?

19 तलेबिस्याँ सुँउँडले चबै सै सैं न्होंउँड आह्याल्ने फो न्होंउँड ह्याम्, झाइले बैरु त्हांह्याम् । छतसि चबै समैं तो चलेया तम्!" बिसि येशूजी बिइ ।

☆ 7:10 7:10 0000 00:१२; व्य ५:१६; प्रस २१:१७; लेबी २०:९ * 7:11 7:11
0000000000 00000 000000 00 000000 0000000000 000 00000000 00 † 7:16 7:16 [222222
2222 222222222222 2222222222] 00000 0000000 000 0000000000 00000000 00 0000000 00000000
0000000000 0000000000

29 येशूजी चने बिइ, “क्हिइ छ बिसेरो तोइ आइहाँन्ले ह्योसए धिंर ह्याइ। क्हिए च्मिउँइले मों त्होंह्याइ।”

30 च च्मिरि धिंर फेनेमा कोलोउँइले मों त्होंयासि कोलो खाटर रोरिब स्याइ।

2222222 222 222222 222 2222222 2222 222
222222

31 झाइले येशू टुरोस सहरउँइले त्होंसि सीडोन बिबै क्ल्ह्योर खइ। धै डिकापोलिस बिबै ह्युलए घ्याँउँइले गालील तालर एखइ।

32 चर न्ह आथेसि छेन्ले पॉल् आखाँबै म्हि घि म्हिमैँइ येशू डाँर पखइ, धै “चए फिर यो थेंसि सल् लमिन्,” बिसि येशूने यो छ्युँलइ।

33 च न्ह आथेबै म्हिलाइ हुलउँइले दे क्याइ खाबै आरेबै क्ल्ह्योर बोसि येशूजी ह्योसए योरिमैँ चए न्हेमेर क्ल्ह्युसि थेंइ, झाइले खीए योर थुइसि च म्हिए लेर छुइ।

34 झाइले येशूजी मुउँइ इह्योसि ह्मिग्यो सो सेंसि चने “इफफाता” बिइ। (छ बिब “थोंयॉन्” बिब ग।)

35 छ बिबै तोदोंन् चए आथेबै न्ह थेबर होंइ, धै छेन्ले आपोंबै सुँइ छेन्ले पोंबर होंइ।

36 झाइले येशूजी च म्हिमैँने, “चु ताँ खाबने या आबिइ!” बिइ। खीजी खाबने या आबिइ बिलेया, चमैँ झन् सैं तोंदै ल्हें बिप्रमल।

37 चु ताँ थेभैँ ताँन् प्लेटोयासि “येशूजी तो के बिलेया छ्याँब लमना। न्ह आथेबै म्हि थेल् लमना, आपोंबै म्हि पॉल् लमना बिबर होंइ।”

8

2222222 22222 22222 222222222 2222 22222
(2222222 222-222-222)

1 च त्हे लिउँडँ धबै म्हिण् हलु येशू डारं खागु तखइ । दिलेया चमैने चबै सै तोइ आरेमा येशूजी चेलामें खी डारं हुइसि बिइ,

2 “चु म्हिण् हलु म्रोसि ड ल्हयो खम्, तलेबिस्याँ चुमै डने बालु मुँब तियाँ सोरो तइ । चुमैने चबै सै तोइ आरे ।

3 चुमै छलेन् तोइ आचल्ले धिर कुलइ बिस्याँ घ्याँन फो खेंसि मुच्छाँ तब्बुँ । तलेबिस्याँ को-कोइम् हेंगोउँडँले खबै म्हिमै मुँ ।”

4 चेलामेंइ खीने बिइ, “चु म्हि आटिबै क्ल्ह्योर चुमैलाइ खैले चल् पिल् खाँमुँ?”

5 येशूजी चमैने “क्हेमैने क्हे कति पो मुँ?” बिसि डचोएमा चमैइ “क्हे डिपो मुँ,” बिइ ।

6 येशूजी म्हिण् हलु सर कहुँबर ल्हैदिइ । धै क्हे डिपो किसि परमेश्वरलाइ धन्यबाद पिसि क्हे लुँइ । धै “म्हिमै चुमिन्” बिसि चेलामेंने पिंइ । येशूजी बिब् धोले चमैइ म्हिमैलाइ चुमिंइ ।

7 चमैने च्युगुदे ताँग या मुँल । छतसि परमेश्वरलाइ धन्यबाद पिसि येशूजी चेलामेंने चुमिंबर ल्हैदिइ ।

8 झाइले म्हिमैइ म्नेले चइ । चमैइ चल् खाँबै लिउँडँ चेलामेंइ क्हे लुँठैमै खागु लमा डहलो डि प्लिंइ ।

9 चर हजार प्लिदे म्हिमै मुँल । झाइले येशूजी चमै खेंमैण् धिर कुलइ ।

10 च तोदोन् येशू खीए चेलामेंने डुँङ्गार क्रेसि दलमनुथा बिबै क्ल्ह्योर ह्याइ ।

0000000000 00000000 “000000 00000 00000000” 0000
(000000 00:0-0)

11 फरिसीमें येशू डारं खसि “क्ह्हांसंन क्हि स्वर्गउँडँले युब् ग बिस्याँ औदिबै चिनु लसि उँडँन्,” बिसि प्हांबर होंइ ।☆

12 दिलेया खीए सैं नसि येशूजी बिइ, “तिंजोरोबै म्हिमैँइ तले औदिवै चिनु म्हेम? क्हेसैंन् ड क्हेमैँने बिमुँ, तिंजोरोबै म्हिमैँलाइ डइ तोइ चिनु उँइरिब् आरे।”☆

१२१२१२१२१२ १२१२१ १२१२१२१२ १२१२१२१२१२१२
१२१२१२१२१२१२१२ १२१२ १२१२१२१ १२ १२१२१२१२१ १२१२१२
(१२१२१२ १२:१-१२)

13 छ बिसि येशू चमैँ वाथेंसि डुँङ्गार क्रेसि धबै तालए क्योँजा ह्याइ।

14 येशूए चेलामैँइ डुँङ्गार ह्यामा चबै सै बोब म्लेयान चमैँने क्हेँ घि मत्त्रे मुँल।

15 छले ह्यारिमा येशूजी खीए चेलामैँने लोदा सैंदा लसि बिइ, “फरिसीमैँ नेरो हेरोद मुँए क्हेँर झोबै प्लेढा उँइले न्ह क्रोँ मि क्रोँले टिद्।”☆

16 छबिमा “ड्योने क्हेँ आरेमा प्रभुजी छ बिइ उ तो?” बिसि चमैँइ खें-खेंमैँ ताँ लबर होंइ।

17 येशूजी चमैँए ताँ था सेसि चमैँने बिइ, “क्हेमैँने चबै सै आरे बिसि तले ताँ लल? ड खाब् जा बिसि क्हेमैँइ अझै आसे वा? अझै आक्हो वा? क्हेमैँए सैं अझै सारोन् मुँ वा?”

18 क्हेमैँए मि मुँलेया तले आम्रों? क्हेमैँए न्ह मुँलेया तले आथे? क्हेमैँइ तोइ आचि वा?☆

19 डइ क्हेँ ड्हपोइ हजार ड्ह म्हिमैँलाइ म्रेंन्ले चल् पिमा क्हेमैँइ डैबै क्हेँ लुँटेमैँ खुमा कति ट्हलो प्लिल?”

च चेलामैँइ येशूने बिइ, “च्युसे डिहं ट्हलो।”

20 छलेन “क्हेँ डिपोइ हजार प्लि म्हिमैँ म्रेंन्ले चल् पिमा क्हेमैँइ कति ट्हलो खागु लल?”

चमैँइ बिइ, “ट्हलो डि प्लिल।”

21 येशूजी चमैने विइ, “क्हेमैइ अझै आक्हो वा?”

22 च लिउँइ खेंमै बेथसेदा बिबै कल्हयोर फेखमा चर म्हिमैइ मि आम्रोंबै म्हि ग्नि येशू डाँर पखसि “चुए मि म्रोंबै ल्हागिर किहजी छुइमिन्,” बिसि यो छयुँ लइ ।

23 छलमा येशूजी च मि आम्रोंबै म्हिए योर क्हासि नाँसउँइले बैरु बोइ । झाइले चए मिर तु फोमिसि चए मिर ह्नोंसए यो थेंसि “क्हिइ म्रोंल् खाँम् उ आखाँ?” बिसि चने डचोएइ ।

24 झाइले ताइ इह्योसि चइ बिइ, “डइ म्हिमै म्रोंल् खाँम्, दिलेया चमै सिं धुँ धोले प्ररिब् म्रोंम् ।”

25 छबिमा येशूजी धवै च म्हिए मिर छुइमा च म्हिइ इह्योइ, धै छेनाले म्रोंल् खाँब् तइ ।

26 च लिउँइ येशूजी च म्हिने “नाँ-नाँसर खनिरै आहोँल्ले सरासर धिर ह्याद,” बिसि कुलइ ।

27 झाइले येशू नेरो खीए चेलामै कैसरिया फिलिप्पी ह्युलबै नाँस नाँसउँइ ह्याइ । छले घ्यार ह्यारिमा येशूजी खीए चेलामैने “म्हिमैइ ड्लाइ खाब् बिम्?” बिसि डचोएइ ।
(22:22-23; 22:22 2:22-22)

28 चेलामैइ बिइ, “कोइ ‘बप्तिस्मा पिंबै यूहन्ना’ बिम्, कोइ ‘स्योम्बै एलिया ग,’ बिम्, कोइ ‘स्योम्बै अर्को अगमवक्ता ग्नि ग’ बिम् ।”*

29 येशूजी चमैने “क्हेमैइ ड्लाइ खाब् बिम्दि?” बिसि डचोएमा ।

* 8:28 8:28 0000 0:१४-15; लूक 9:7-8

पत्रुसइ येशूने बिइ, “क्हिम् परमेश्वरजी कुल्मिंबै मुँ खीष्ट ग।”☆

30 झाइले येशूजी चमैने “चु ताँ खाबलाज्यै या आबिद,” बिइ।

ॐॐॐॐॐॐ ॐॐॐ ॐॐॐॐ ॐॐॐॐ ॐॐॐॐ ॐॐॐ ॐॐॐॐॐॐ ॐॐॐॐ
ॐॐॐॐ ॐॐॐ ॐॐॐॐॐॐॐॐ ॐॐॐॐ
(ॐॐॐॐॐ ॐॐ:ॐॐ-ॐॐ; ॐॐॐॐ ॐ:ॐॐ-ॐॐ)

31 झाइले येशूजी चेलांमैने “म्हिण् च्हजी ल्हें दुःख सैदिल् त्हुम्। चिबनाँबै, खो पिंबै खेगि चिबमै नेरो शास्त्रिमैड ड म्हि आच्छिसि सैबर ल्हैदिम्। दिलेया सिबै सोरोर ड धबै सोगों तसि रेखमुँ बिसि लोमिंबर होंइ।”

32 येशूजी चु ताँ छेनाले क्होल्ले बिमिंड।

दिलेया पत्रुसइ येशू दे क्याइ बोसि “तले छ्हाबै ताँ लल?” बिसि हौदिबर होंइ।

33 दिलेया येशू लिंग्याँ तुसि चेलांमैउँड इह्योसि पत्रुसने “ओ दुष्ट, ड डाँइले स्योह्याद! तलेबिस्याँ क्हि परमेश्वरए ताँ आडिं, दिलेया म्हिइ मैब् धोले मैमना,” बिसि हौदिइ।

34 झाइले येशूजी खीए चेलांमै नेरो म्हिण् हुल खी डाँर हुइसि बिइ, “खाब् मुँलेया डने बालु प्रबै सैं मुँ बिस्याँ चइ ज्युए म्हाँया आलरिगे बरु कूस* नोसि डने बालु प्ररिगे।☆

35 तलेबिस्याँ खाबइ ह्नोंसए ज्युए म्हाँया लमुँ, चइ खोंयोँइ आखाँबै छ्ह आयों, छ्लेन डउँइले खबै सैं तोबै ताँ बिप्रमा ह्नोंसए ज्यु नास तयालेया चइ खोंयोँइ आखाँबै छ्ह योंमुँ।☆

☆ 8:29 8:29 ॐॐ ॐ:६८-६९ * 8:34 8:34 ॐॐॐॐ ॐॐॐॐ ॐॐॐॐ ॐॐॐॐ ॐॐ ॐॐॐॐ

ॐॐॐॐ ॐॐॐॐ ॐॐ ॐॐॐॐ ॐॐ ॐॐॐॐॐॐॐॐ ॐॐॐॐ ॐॐॐॐॐ ॐ ॐॐॐॐॐॐ ॐॐॐॐॐॐ ॐॐॐ ॐॐॐॐॐ ॐॐॐॐॐॐॐॐ ॐॐ ॐॐॐॐ ॐॐॐ ॐॐॐॐॐॐ ॐॐॐॐ ॐॐॐॐॐ ॐॐॐॐ ॐॐॐॐॐॐॐॐ ॐ ॐॐॐॐ ॐॐॐ ॐॐॐॐ ॐॐ ॐॐॐॐॐ ॐॐॐ ॐॐॐॐॐॐ ॐॐॐॐॐ ॐॐॐॐॐॐॐॐॐ ॐॐॐॐ ॐॐॐॐॐ ॐॐॐॐ-बिजेद लबै दण्ड मुँल। छ्तसि फ्रभु येशूजी “कूस नोसि डने प्रि प्ररिगे” बिमा खीजी बिइ, “इजेद ह्याबै दुःख नेरो सिबै दुःख नोल् त्हुलेया डने प्रि प्ररिगे।”

☆ 8:34 8:34 ॐॐॐॐ ॐॐ:३८; लूक १४:२७ ☆ 8:35 8:35 ॐॐॐॐ ॐॐ:३९; लूक १७:३३;

यूह १२:२५

36 तलेबिस्याँ म्हिइ ह्युलबैँ तोन्दोरि सैं योंलेया खोंयोंइ आखाँबै छ्ह योल् आखाँ बिस्याँ चलाइ तोए फायदा तम्? फायदा आरे!

37 म्हिइ धबै खोंयोंइ आखाँबै छ्ह योंबै ल्हागिर तो पिल् खाँमुँ?

38 छ्तसि खाबइ चु आछ्याँबै पापि जुगरि ड नेरो डए ताँ थेसि फापिमुँ, ड म्हिए च्ह या ह्रोंसए आबाजी पिबै मान नेरो पवित्र स्वर्गदूतमैने बालु चु ह्युलए निसाफ लबर युमा च म्हि म्रोंसि डै या फा पिब्मुँ ।”☆

9

1 झाइले खीजी चमैने बिइ, “क्ह्रोंसेन ड कहेमैने बिमुँ, चुर मुँबै म्हिमै न्होरि को-कोइ परमेश्वरए ग्याल्स शक्तिर युब् आम्रॉन् समा सिरिब् आरे ।”

*□□□□□ □□□□ □□□□□□□□
(□□□□□ □□:□-□□; □□□□ □:□□-□□)*

2 येशूजी छ् बिबै टुरो लिउँई खीजी पत्रुस, याकूब नेरो यूहन्ना बोसि नुबै कौर म्हि आरेबै क्ल्हयोर ह्याइ, चर चेलामैँइ येशूए क्हो फेर्दियाब् म्रोंइ ।

3 खीए क्वें या बेल्ले चारसि फोस्रे ब्योब् तयाइ, छ्ले छेन्ले ह्युलबैँ खाबज्यै या खुल् आखाँ ।

4 चमैँइ चर स्योम्बै अगमबक्तामैँ मोशा नेरो एलिया येशूने ताँ लरिब् म्रोंइ ।

5 पत्रुसइ येशूने बिइ, “ओ गुरु, डचो चुर टिब छ्याँब मुँ! डिइ चुर टिबै क्ल्हयो सौँलो बनेम् ओ? म्रि क्हिहए ल्हागिर, म्रि मोशाए ल्हागिर, म्रि एलियाए ल्हागिर ।”

6 चमैँ बेल्ले डिहंरिल । छ्तसि तो बिल् त्हुम् बिसि चइ था आसेल ।

7 च तोदोन् न्हाँस्यो खसि खेंमै हुवाइ, धै न्हाँस्यो न्होंउँडले “चु डइ खोबै च्ह ग, क्हेमैइ चुए ताँ थेद बिबै कै थेइ।”✠✠

8 छ् बिब् थेसि छाइ माइ इह्योमा चमैइ येशू मत्रे खेंमैने म्रोंइ अरू खाबै आम्रों।

9 झाइले खेंमै कोंउँडले क्युरु युरिमा येशूजी चमैने “म्हिए च्ह सिसि धबै सोगों आतन् समा क्हेमैइ कोर म्रोंबै ताँमै खाबने या आबिद् ओ,” बिइ।

10 खीजी बिबै ताँ चमैइ अरूमैने आबि, दिलेया सिसि धबै सोगों तब् बिब तो जा? बिसि खें-खेंमैन् ताँ लबर होंइ।

11 च लिउँडँ चमैइ “‘परमेश्वरजी कुल्मिबै मुँ खीष्ट युब् भन्दा ओंसों एलिया युल् त्हुम्,’ बिसि शास्त्रिमैइ तले बिमुँ?” बिसि येशूने डचोएइ।✠

12 येशूजी बिइ, “क्होंसेन खीष्ट युब् भन्दा ओंसोंन् एलिया युसि न्हाँयाबै तोन्दोरि सैमै क्योँमिम्। दिलेया म्हिए च्हजी बिस्याँ ल्हें दुःख सैदिल् त्हुम्, धै म्हि आच्छिन् तब्मुँ बिसि परमेश्वरए छ्वेर तले फ्हिइमुँ?”

13 दिलेया ड क्हेमैने बिमुँ, एलिया युल् खाँइ, धै खीए बारेर परमेश्वरए छ्वेर फ्हिब् धोंले म्हिमैइ तो लदा इहाँमुँ चन् लइ।”

☐☐☐☐☐☐ ☐☐☐☐☐ ☐☐☐☐☐☐☐ ☐☐☐☐☐ ☐☐☐☐☐☐☐☐
(☐☐☐☐☐☐ ☐☐☐☐☐☐☐; ☐☐☐☐☐☐☐☐☐☐☐☐)

14 झाइले खेंमै अरू चेलाँमै डारँ एखमा चेलाँमैए खागु म्हिए हुल रारिब नेरो को-कोइ शास्त्रिमैइ चेलाँमैने ताँमै डचोएरिब् म्रोंइ।

15 म्हिए हुलइ येशू म्रोंबै तोदोन् बेल्ले अचम्मा इहाँह्याइ, धै येशू डारँ न्हेह्यासि खीए मान लइ।

✠ 9:7 9:2-7 ☐ ☐☐☐☐ ☐:१७-१८ ✠ 9:7 9:7 ☐☐☐☐☐ ☐:१७; मर्क १:११; लूक ३:२२

✠ 9:11 9:11 ☐☐☐ ☐:५; मत्ती ११:१४

16 येशूजी म्हिए हुलने “क्हेमैइ चु चेलामैने तो डचोएरिल?” बिइ।

17 च म्हि हुल न्होंउँइले म्हि भ्रिइ येशूने बिइ, “गुरु, डए च्ह मोंइ स्यासि पॉल् आखाँइमुँ। छतसि किह डार पखइमुँ।

18 मोंइ स्यामा डए च्ह सर प्योवाम्, सुँउँइले पिबि त्होंम्, धै स ह्त्तासि कित्रि मित्रि तयाम्। डइ किहए चेलामैने चु मों ल्हामिन् बिसि यो छ्युँ लल। दिलेया चमैइ ल्हाल् आखाल्।”

19 झाइले येशूजी चमैने बिइ, “च्या, क्हेमै कति विश्वास आलबै म्हिमै मुँन! ड क्हेमैने कति समा टिल् त्हुम्? डइ क्हेमै खोंयोँ समा सैदिल् त्हुम्? च कोलो ड डार पउ।”

20 चमैइ च कोलो येशूए डार पखइ।

येशू म्रोंबै तोदोंन् च कोलो स्याबै मोंइ च कोलोलाइ स्याल म्हाल लसि सर प्योवामा कोलोए सुँउँइले पिबि त्होंसि पटाँपटाँ तबर होंइ।

21 येशूजी चए आवाने “खोंयोँसेरो चु कोलो छ तब् जा?” बिसि डचोएमा

चइ बिइ, “च्युगुथिरि कोलो ओंनों ग।

22 च मोंइ ल्हें खे चु सैल् म्हैइ। खोंयोँ मिर झोंवामल, खोंयोँ क्युर भ्योंवामल। ओ गुरु, किहजी चु कोलो तोइ लमिन्ल् खाँस्याँ गार आम्हाँदिल्ले डि ल्होमिन्नु।”

23 येशूजी चने बिइ, “ किहजी लमिन्ल् खाँस्याँ” बिसि तले बिल? डए फिर विश्वास लब्मैए ल्हागिर तोन्दोंरि सै तल् खाँम्।”

24 झाइले च कोलोए आबाइ युन्ले थेबै कैले बिइ, “डइ किहए फिर विश्वास लम्, डए विश्वास आभोंमा डए विश्वास भोंब लमिन्।”

25 च्हमन् म्हिए हुल खी डाँइ न्हेखरिब् म्रोंसि येशूजी च मोंने “ओ न्ह आथेबै लडा मों, ड किहने बिमुँ, च कोलोउँइले त्होंखो, तारे धबै खोंयोँइ च कोलोलाइ स्याल् आयों बिसि,” हौदिइ।

26 छ्बिमा मोंइ च कोलो स्यालाम्हाला लवासि थेबै कैले च कोलोउँइले त्हांह्याइ । छ्बलमा च कोलो सियाब् धोन् तयाइ । छ्ब तब् भ्रोंमा ल्हेँ म्हिमैँइ “कोलोम् सियाइ बिबर,” होंइ ।

27 दिलेया येशूजी चए यो क्हासि रेमिंमा च कोलो सोगों तयाइ ।

28 येशू धिर ह्याबै लिउँइ खीए चेलामैँइ खाबज्यै आसेल्ले खीने “डिइ च मों तले ल्हाल् आखाँगे?” बिसि डचोएइ ।

29 येशूजी चमैने बिइ, “छ्बाबै खालबैँ मों प्राथनाइ बाहेक अरू तोइ ललेया ल्हाल् आखाँ ।”

*(११११११ ११ ११११ ११११११ १११ १११)
(११११११ ११:११-११; ११११ १:११-११)*

30 झाइले येशू नेरो खीए चेलामैँ च कल्ह्यो पिसि गालील ह्युल ततै ह्याइ । खेंमैँ खनिर मुँ बिसि खाबज्यै आसेरिगे बिब येशूए सैं मुँल,

31 तलेबिस्याँ खीजी ह्हांसए चेलामैँने लोमिंबै तोंन् मुँल । खीजी चमैने बिइ, म्हिए च्हा क्हासि म्हिमैँए योर पिंवाब्मुँ, धै चमैँइ खी सैवाब्मुँ, दिलेया सिबै सोंरो लिउँइ धबै खी सोगों तसि खब्मुँ ।

32 दिलेया खीजी बिबै चु ताँ चेलामैँइ क्हाल् आखाँ, धै डिहंसि खीने डचोएल् आखाँ ।

*“११११ १११” ११११ १११
(११११११ ११:१-१; ११११ १:११-११)*

33 झाइले खेंमैँ कफर्नहुम बिबै कल्ह्योर फेखइ, धै धिं न्होंर मुँमा येशूजी चेलामैँने “ध्याँर खरिमा क्हेमैँइ तो ताँमैँ लल?” बिसि डचोएइ ।

34 दिलेया चमैँ तोइ आबिल्ले टिइ, तलेबिस्याँ ध्याँर खरिमा चमैँइ “डचोए न्होंर खाब् थेब् जा?” बिसि खें-खेंमैँन् ताँ लरिल ।*

35 झाइले येशू कहुँसि च्युसे डिहं चेलामैं खागु लसि चमैंने बिइ, “थेब तदा इहाँबै म्हि, ताँन् भन्दा च्योब् तसि ताँनए सेवा लल् त्हुम् ।”☆

36 झाइले खीजी कोलो घि चेलामैंए म्हाँजोर पखसि च कोलो ख्वेसि चमैंने बिइ,

37 “डए मिर छाबै कोलो घिलाइ म्हाँया लब्मैइ, डलाज्यै म्हाँया लम् । डलाइ म्हाँया लब्मैइ डलाइ मत्त्रे आडिं, ड कुल्मिंबै परमेश्वर आबालाज्यै या म्हाँया लम् ।”☆

ॐॐॐॐॐ ॐॐॐॐॐ ॐॐॐॐॐॐॐ ॐॐॐॐॐ ॐॐॐॐॐॐॐॐ
ॐॐॐॐॐॐॐॐ ॐॐॐ ॐॐॐॐ ॐ
(ॐॐॐॐ ॐ:ॐॐ-ॐॐ)

38 यूहन्नाइ येशूने बिइ, “ओ गुरु, म्हि घिइ किहए मिं किसि मोमैं ल्हारिब डिइ म्नांइ । डिइ चने ‘छाबै के लल् आयां’ बिसि लल् आपिं, तलेबिस्याँ च डचोए टोलिबैं म्हि आडिंल ।”

39 दिलेया येशूजी बिइ, “चलाइ छ आलद् आबिद, तलेबिस्याँ डए मिर छाबै औदिबै के लबै म्हिइ डए बारेर तोइ आछ्याँबै ताँमैं युन्ले पॉल् आखाँ ।

40 तलेबिस्याँ डचोए बिरोध आलबै म्हि डचोए टोलिबैं म्हि धों तबन् ग ।☆

41 झाइले खाबइ ‘चुम् येशू खीष्टए म्हि ग’ बिसि क्हेमैं क्यु थुँल् पिलेया, क्हाँसेंन डइ क्हेमैंने बिम्, च म्हिइ खैले बिलेन ह्नांसइ यॉल् त्हुबै इनाम यॉब्म् ।”☆

ॐॐॐॐॐॐॐॐॐ ॐॐॐॐॐॐॐॐॐॐॐॐॐॐॐ ॐॐॐॐॐॐॐॐ ॐॐॐॐॐॐ
ॐॐॐ
(ॐॐॐॐॐ ॐॐ:ॐ-ॐ; ॐॐॐॐ ॐॐ:ॐ-ॐ)

☆ 9:35 9:35 ॐॐॐॐ ॐॐ:२६-२७; २३:११; मर्क १०:४३-४४; लूक २२:२६ ☆ 9:37

9:37 ॐॐॐॐ ॐॐ:४०; लूक १०:१६; यूह १३:२० ☆ 9:40 9:40 ॐॐॐॐ ॐॐ:३०; लूक ११:२३

☆ 9:41 9:41 ॐॐॐॐ ॐॐ:४२

लब? च केर आफेब तइ। छतसि चज लिंब् तब् धोले कहेमैए न्होरि क्हुसि टिद्। ‡ छले कहेमै क्हुसि टिद्।”☆

10

१११ १११ ११११११११ १११
(१११११ ११:१-११; ११११ ११:११)

1 झाइले येशू कफर्नहुम ह्युल पिसि यर्दन स्योए क्योजा यहूदीया ह्युलर ह्याइ। चरै या म्हिए हुल खी डार खागु तखइ। धै सोदाजरे धोले खीजी धबै चमैलाइ लोमिंड।

2 येशूलाइ डो चुबै सैले कोइ फरिसीमै येशू डार खसि “खाबज्यै ह्योसए फ्हेंस्यो वाल् तम् उ आत?” बिसि डचोएमा

3 येशूजी चमैने “स्योम्बै मोशाइ कहेमैने तो बिथेंडमुँ?” बिसि डचोएइ।

4 चमैइ बिइ, “पार लबै कागत फ्हिसि च वालेन् तम् बिसि मोशाइ,” बिइमुँ।☆

5 दिलेया येशूजी चमैने बिइ, “कहेमैए सै सारो तबइले मोशाइ कहेमैने चु छाबै ताँ फ्हिमिंड।

6 दिलेया ह्युल बनेब् ओनोंन्,
‘परमेश्वरजी आमुयुँ नेरो च्हुमिरि बनेइ।’☆

7 ‘छतसि मुँयुँमै ह्योसए आबा आमामे फ्रेसि ह्योसए फ्हेंस्योने क्हुसि टिरिम्।

8 चमैइ इहं घिन् तब्मुँ।’☆

छतसि चमैइ इहं आडिं, दिलेया क्हुसि घिन् तब्मुँ।

9 छतसि परमेश्वरजी त्हुमिंबै म्हिमैइ फ्रेवाल आत।”

‡ 9:50 9:50 १११११११ १११११११ ११११ ११११११११११ “११११११११ ११ ११११११११”

☆ 9:50 9:50 १११११ १:१३; लूक १४:३४-३५ ☆ 10:4 10:4 १११ ११:१-४; मत्ती ५:३१

☆ 10:6 10:6 ११ १:२७; ५:२ ☆ 10:8 10:7-8 ११ १:२४

18 येशूजी चने बिइ, “डने तले स्वाब बिमुँ? परमेश्वर बाहेक अरू खाबै या स्वाब आरे।

19 अरूलाइ आसैब, ब्यभिचार आलब, आह्योब, स्योर आतेब, अरूमैए मुइ छलेन् आचब, ह्रोंसए आबा-आमाए मान् लब बिसि ठिमबै ताँ किहइ सेइमुँ।”☆

20 झाइले च म्हिइ येशूने बिइ, “गुरु, चु ताँमैं डइ कोलो ओंनोंन् डिंरिइमुँ।”

21 येशूजी म्हाँयाले च डाँइ इह्योसि बिइ, “किहइ अझै के घि लब चैमुँ: छतसि ह्यासि किहए कल्ह्यो न्हें ताँन् चुँसि योंबै मुइ इहाँदुमैं पिंन्, छलस्याँ किहइ स्वर्गर सै न्होर ल्हें योंब्मुँ। धै खसि डए लिलि प्रद,” बिइ।

22 चु ताँ थैसि च लि छु लसि दुःख म्हाँदिसि प्रयाइ, तलेबिस्याँ च बेल्ले प्लोबै म्हि मुँल।

23 येशूजी छाइ माइ इह्योसि खीए चेलामैने बिइ, “प्लोबै म्हिमैं परमेश्वरए ग्याल्सर होंब* बेल्ले गारो मुँ।”

24 खीए ताँ थैसि चेलामैं प्लेटोयाइ। दिलेया येशूजी धबै चमैने बिइ, “ओ डए कोलोमैं, सै न्होरए फिर भर थैबमैं परमेश्वरए ग्याल्सर होंब बेल्ले गारो मुँ।

25 प्लोबै म्हि परमेश्वरए ग्याल्सर होंब भन्दा बरु ताए मिउँडँले सलु होंब सजिलो मुँ।”

26 छबिमा चेलामैं अचम्मा इहाँसि “छ बिस्याँ खाब म्हि जोगेल् खाँम्?” बिसि येशूने डचोएइ।

27 येशूजी चमैं डाँइ इह्योसि बिइ, “म्हिइ चु के लल् आखाँ, दिलेया परमेश्वरजी लल् खाँम्, तलेबिस्याँ परमेश्वरजी तोन्दोरि सै लमिंल् खाँम्।”

☆ 10:19 10:19 ॐॐॐ ॐ:१२-१६; व्य ५:१६-२० * 10:23 10:23 ॐॐॐॐॐॐ ॐॐॐॐॐॐ ॐॐॐॐ ॐॐॐॐॐॐ ॐॐॐॐॐॐ ॐॐ ॐॐॐ ॐ ॐॐ ॐॐॐॐॐ, धै परमेश्वरजी म्हाया लसि आशिक पिंम्।

35 झाइले जब्दियाए च्हेमैं डिहं याकूब नेरो यूहन्ना येशू डाँर खसि बिइ, “ओ गुरु, डिइ किहने तो हिलेया डिए ल्हागिर लमिन् ।”

36 खीजी चमैंने “क्हेमैंए ल्हागिर डइ तो लमिंरिगे बिब क्हेमैंए सैं मुँ?” बिसि डचोएइ ।

37 चमैंइ खीने बिइ, “क्हि मुँ तसि थेबै मान योंबै राजगद्विर क्हुंमा डि डिहंरि घि किहए क्योलोउँइ, घि त्हेब्रेउँइ क्हुंल् पिनुँ ।”

38 छबिमा येशूजी चमैंने बिइ, “क्हेमैंइ ह्विबै सै क्हेमैंन आसेइमुँ । डइ नोब् धों तबै दुःख क्हेमैंइ नोल् खाँम्मा? डइ किब् धों तबै बप्तिस्मा क्हेमैंइ किंल् खाँम्मा?”✧

39 चमैंइ खीने, “डिइ खाँम्!” बिइ ।

येशूजी चमैंने बिइ, “डइ नोब् धोंबै दुःख क्हेमैंज्यै या नोब्मुँ, धै डइ किब् धोंबै बप्तिस्मा क्हेमैंज्यै या किब्मुँ ।

40 दिलेया डए क्योलोउँइ नेरो त्हेब्रेउँइ खाब् टिल् योंम्, च डइ बिसि आत, परमेश्वरजी खाबए ल्हागिर तयार लथेंइमुँ चमैंन योंम् ।”

41 चु ताँ थेसि अरू चेलामैं च्यु याकूब नेरो यूहन्नाने ह्विस खइ ।

42 छतमा येशूजी चमैं खी डाँर हुइसि बिइ, चु ह्युलर ग्याल्स लबै म्हिमैंइ ह्वोंसए जनता दबिदिसि थेबै हगले शासन लम्, चु ताँ “क्हेमैंइ सेइमुँ ।

43 दिलेया क्हेमैंए न्होरि बिस्याँ छ लब् आत । क्हेमैंए न्होरि थेब् तदा इहाँबैइ, अरूमैं ल्होल् त्हुम् ।✧

44 छलेन क्हेमैंए न्होरि ताँन् भन्दा थेब तदा इहाँबै म्हि ताँनए केब्छैं तल् त्हुम् ।✧

45 तलेबिस्याँ म्हेए च्ह मान म्हेबर युब आडिं, दिलेया म्हेमै ल्होबर नेरो ल्हें म्हेमैए पापउँडैले फ्रेमिंबै ल्हागिरि पापए सै फोबर ह्हांसए ज्यु पिंबर युब् ग।”

*(२२२२२२२ २२२२२२२२ २२२२२ २२ २२२२२२२२ २२२२२२
(२२२२२२२ २२:२२-२२; २२२२२ २२:२२-२२))*

46 च लिउँडै खेंमै यरिहो बिबै नाँसर फेखइ, धै येशू ह्हांसए चेलांमै नेरो म्हेए हुलने यरिहोउँडैले ल्होंह्यामा तिमैए च्ह बारतिमै बिबै कन घ्याँए रेर क्हुँरिल।

47 चइ खी नासरतबै येशू मुँन बिब् थेसि “ओ दाऊदए च्ह येशू, डए फिर ल्हयो खमिन्,” बिसि ओरबर होंड।

48 छुले कै तेमा ल्हें म्हेमैइ चने “तोइ आबिद,” बिसि हौदिइ। दिलेया च म्हे झन् “ओ दाऊदए च्ह, डए फिर ल्हयो खमिन्,” बिसि ओरइ।

49 झाइले येशू चर रासि “चलाइ चुर हुइपउ,” बिइ।

म्हेमैइ च कनने “भोंसि तद, रेद, खीजी किह हुइरिइमुँ युन्ले खो,” बिइ।

50 छ बिब् थेसि च कनइ ह्हांसए बख्खु भ्याँवासि येशू डार प्रखइ।

51 “किहए ल्हागिरि डइ तो लमिंरिगे इह्हांडैमुँ?” बिसि येशूजी चने डचोएमा

च कनइ खीने बिइ, “ओ गुरु, डए मि म्रोंल् खाँब् तरिगे।”

52 झाइले येशूजी चने बिइ, “ह्याद! किहए बिश्वासइ किह सयाइमुँ।” छ बिबै तोदोंन् चए मि म्रोंल् खाँब् तसि येशूए लिलि प्रयाइ।

11

11:1-11:11

1 झाइले खेंमैं यरूशलेम चेंदोबै जैतून को खागुबै बेथफागे नेरो बेथानिया बिबै क्ल्ह्योर फेखमा खीजी ह्रोंसए चेलामैं न्होंबैं म्हि ड्हिंहेने छ बिसि कुलइ,

2 “कहेमैं च ओसोंबै नाँसर ह्याद् । चर फेनेबै तोंदोन् तोगो समा खाबै आक्रेबै गधाए झज घ्नि च्युँड्थेंब कहेमैंइ भ्रोंम्भुँ, च गधाए झज पिसि चुर पउ ।

3 खाबज्यै कहेमैंने ‘चु तले पिल?’ बिसि डचोएस्याँ, ‘प्रभुए ल्हागिर चैदिइमुँ, के खाबै लिउँड् युनन् एपखमिंस्यो,’ बिद् ।”

4 झाइले चमैं ह्यामा गधाए झज घ्याँए रेबैं धिं घ्निए म्रा डार च्युँड्थेंब स्याइ, धै चमैंइ च गधाए झज पिइ ।

5 छलमा “चु गधाए झज तो लबर पिल?” बिसि चर रारिबै को-कोइ म्हिमैंइ चमैंने डचोएइ ।

6 येशूजी लोमिंब् धोलेन् चमैंइ बिमा चबैं म्हिमैंइ बोह्याल् पिइ ।

7 चमैंइ गधाए झज येशूए डार पखसि खेंमैंए क्वेंमैं चए फिर तिमिंइ, झाइले येशू चए फिर क्रेइ ।

8 छले यरूशलेमउँड् ह्यामा ल्हें म्हिमैंइ खेंमैंए क्वेंमैं येशूए मान् लबै ल्हागिर घ्याँर तिमिंइ, धै को-कोइ सिधुँबै हाँगमैं थोसि घ्याँर तिमिंइ ।

9 झाइले खीए ओसों ओसों प्रबै म्हिमैंइ नेरो लिलि लिलि प्रबै म्हिमैंइ

“परमेश्वरए मिं क्वेद्!

याहवेहए मिरं खबै मुँलाइ परमेश्वरजी आशिक पिरिगे!”
बिदै जयजय लबर होंइ ।*

10 “डचोए खे दाऊद भ्रुए ग्याल्स धबै तखसिन् मुँ ।

च ग्याल्सए फिर परमेश्वरजी आशिक पिरिगे!

धाँसे थेबै परमेश्वरए जय जय तरिगे!”

11 झाइले खी यरूशलेमर खसि मन्दिर न्होर होंइ । झाइले छाइ माइ तोन्दोरि सै इह्योबै लिउँइँ म्हुँइँस तबि छेल । छतसि खीए च्युसे डिहं चेलामैं बोसि बेथानिया बिबै नाँसर एह्याइ ।

ⓂⓂⓂⓂⓂ ⓂⓂⓂⓂⓂⓂⓂ ⓂⓂⓂⓂ ⓂⓂⓂⓂ
(ⓂⓂⓂⓂⓂⓂ ⓂⓂ:ⓂⓂ-ⓂⓂ)

12 चए फ्हँन्हाँगधों खेंमैं बेथानिया बिबै नाँसउँइँले खरिमा येशूलाइ फो खेंइ ।

13 झाइले येशूजी हेंगोर फ्हो इवाम्मा तबै तुँबुए धुँ घ्रि म्रोंसि चर रो रोइमुँ उ बिसि इह्योबर ह्यामा येशूजी च धुँर फ्हो मत्त्रे म्रोंइ, तलेबिस्याँ तुँबुए रो रोबै त्हे आतल ।

14 छाब् म्रोंसि खीजी च तुँबुए धुँने बिइ, “तारे किहँउँइँले खाबज्यै रोमैं चल आयोरिगे ।” छ बिब खीए चेलामैंइ थेइ ।

ⓂⓂⓂⓂⓂⓂ ⓂⓂⓂⓂⓂⓂⓂ ⓂⓂⓂⓂ ⓂⓂⓂⓂⓂⓂ
(ⓂⓂⓂⓂⓂⓂ ⓂⓂ:ⓂⓂ-ⓂⓂ; ⓂⓂⓂⓂ ⓂⓂ:ⓂⓂ-ⓂⓂ; ⓂⓂⓂⓂⓂⓂⓂ
Ⓜ:ⓂⓂ-ⓂⓂ)

15 झाइले खेंमैं यरूशलेमर फेनेबै लिउँइँ येशू मन्दिर न्होर होंसि चर छों लबै म्हिमैं बैरु तेवाइ । धै मुइ त्हेभैंए टेबलमैं नेरो तोंगु चुँभैं क्हुँबै सैमैं भ्योंवाइ ।

16 झाइले खीजी छों लभैं खाबलाज्यै या मन्दिरए ह्युउँइँले प्रल् आपिं ।

17 झाइले खीजी म्हिमैं लोमिंदै बिइ,
“डए धिं ‘ताँन् हेंमैंए प्राथना लबै धिं तब्मुँ’ बिसि परमेश्वरए छ्वेर
फ्ह्रिइमुँ:

११११११ ११११ १११११११११ ११११
 (११११११ ११:११-११; १११११ ११:१-११)

27 झाइले खेंमें धवै यरूशलेमर फेखसि येशू मन्दिर न्होंर छाइ छुइ प्ररिमा खो पिंबै खेगि चिबैं, शास्त्रिमें नेरो चिबनाँबैं खी डार खसि

28 “छों लबैंलाइ ल्हावाब किहने तोए हग मुँ? च्छौ थेवै हग किहलाइ खाबइ पिल?” बिसि येशूने डचोएइ ।

29 येशूजी चमैंने बिइ, “डइ क्हेमैंने ताँ घ्रि डचोएम्, क्हेमैंइ डए ताँए ज्वाफ पिंडबिस्याँ डइ खाबै हग योंसि चु के लम् बिसि क्हेमैंने बिम् ।

30 लु बित्ति, यूहन्नाइ बप्तिस्मा पिंबै हग स्वर्गउँइले योंइ उ म्हिमैंउँइले योंइ?”

31 चु ताँ थेसि चमैं खें-खेंमैंन् छु बिसि ताँ लबर होंइ, “डचोइ ‘स्वर्गउँइले’ बिइ बिस्याँ, ‘क्हेमैंइ यूहन्नाए फिर तले विश्वास आलल?’ बिसि चइ बिब्मुँ ।

32 दिलेया ‘म्हिमैंउँइले हग योंब् ग’ बिब आत!” तलेबिस्याँ चबैं म्हिमैं घ्रोंसि चमैं इहंमल, तलेबिस्याँ ताँन् म्हिमैंइ यूहन्ना क्होंसेन्बै अगमबक्ता ग बिमल ।

33 छ्रतसि चमैंइ येशूने, “डिंड आसे,” बिइ ।

झाइले येशूजी चमैंने बिइ, “डज्यैया खैबै हगले चु के लमुँ बिसि क्हेमैंने आबि ।”

12

१११११११ १११११ ११११ १११११
 (११११११ ११:११-११; १११११ ११:१-११)

1 झाइले खीजी चमैंने अहान झोंबर होंइ, “म्हि घ्रिइ अँगुरए खेति लसि च खेतिए कारग्युले बार थोइ, धै होंल्दों तासि अँगुर

म्हाबै कोल घि बनेसि म्रों रूबै म्हि टिबै ल्हागिर टउ घि या बनेइ ।
झाइले म्रों आधेर पिसि च कल्हे आगुए ह्युलउँइ ह्याइ ।*

2 झाइले रोमै खुबै त्हेर म्रोंए कल्हेइ ह्रोंसए यॉल् त्हुबै भाउ
किबर के लबै म्हि घि कुलइ ।

3 दिलेया च आधे लबै म्हिमैइ चलाइ बेल्ले धोंसि क्होत्तेन्
ल्हामिंड ।

4 झाइले च कल्हेइ अर्को के लबै म्हि चमै डार कुलइ, दिलेया
चमैइ चए क्रर प्रिसि चए आबु वाइ ।

5 च कल्हेइ धबै अर्को के लबै म्हि कुलइ, चलाज्यै या चमैइ
सैवाइ । छत्तेन अरू के लबै ल्हें म्हिमै कुलइ, दिलेया आधे लबमैइ
कोइ धोंवाइ, कोइ सैवाइ ।

6 तारे च कल्हेल कुलबै ल्हागिर ह्रोंसइ खोबै च्ह घि मत्त्रे चैल ।
छत्तसि 'चमैइ डए च्ह मान ललै' इहाँसि ताँन् भन्दा लिउँइ ह्रोंसए
च्ह कुलइ ।

7 दिलेया च आधे लबमैइ कल्हेए च्ह खरिब् म्रोंसि खेंमै खेंमैन्
छ बिइ, 'चुम् कल्हेए च्ह ग । खो, चु सैवाले, धे चुए ताँन् कल्ह्यो
डचोए हग तब्मुँ ।'

8 झाइले चमैइ चलाइ क्हासि सैसि अँगुर म्रोंए बैरु भ्योंवाइ ।

9 "छत्तसि म्रोंए कल्हेइ तो ललै? खी खसि च आधे लबमै
सैवाब्मुँ, धे च अँगुरए म्रों अरू आधे लबमैने पिब्मुँ ।

10 क्हेमैइ परमेश्वरए छ्वेर चु ताँ आखेइमुँ वा?

धिंए गारा झोंबै म्हिमैइ केर आफे बिबै युँमान्,
जगबै युँमा तइ ।

11 चु ताँन् के याहवेहजी लमिंब् ग ।

डचोए ल्हागिर चु के अचम्मबै मुँ ।' *

18 झाइले म्हिमै सिसि धबै सोगों आत बिबै को-कोइ सदुकीमै
येशू डार खसि डचोएइ,✧

19 “गुरु, मोशाइ डचोलाइ पिबै ठिमर छले फ्हिइमुँ, ‘कोइ
म्हि ब्या लसेया फ्हसे आतल्ले सियाइबिस्याँ चए ल्हागिर
फ्हसे योरिगे बिसि चए अलिइ चोने ब्या लल् त्हुम्,’ बिसि
फ्हिथेंडमुँ।✧

20 छलेन परवा ग्निरि अलिमै डि मुँल। ठागुइ ओसों ब्या लइ,
दिलेया फ्हसे आतल्ले सियाइ।

21 झाइले म्हेलइ चोने ब्या लइ, दिलेया चै या फ्हसे आतल्ले
सियाइ। झाइले साँइलइ चोने ब्या लइ, चै या छलेन् सियाइ।

22 छलेन अलिमै डिन डिन् फ्हसे आतल्ले सियाइ, लिउँइ च
च्हमिरि या सियाइ।

23 छतसि सियाबै धबै सोगों तसि रेखमा च च्हमिरि खाबै
फ्हेंस्यो तलै? तलेबिस्याँ च च्हमिरि अलिमै डिने ब्या लल्
खाल।”

24 येशूजी चमैने बिइ, “क्हेमैइ परमेश्वरए छवेबै ताँ आक्हो,
परमेश्वरए शक्ति या आसे। छतसि क्हेमैइ ताँ आक्होबन् तइ,
आडिं वा?”

25 म्हिमै सिसि धबै सोगों तमा ब्या आल, चमै स्वर्गदूतमै धोन्
तम्।

26 अर्को ताँ, सियाबै म्हिमै धबै सोगों तबै बारेर क्हेमैइ
मोशाइ फ्हिबै ठिमरि लुरिबै झाडिए ताँ आखेइमुँ वा? च त्हेर
परमेश्वरजी मोशाने ‘अब्राहाम, इसहाक नेरो याकूबए परमेश्वर
डन् ग,’ बिल।✧

27 खी सियाबै म्हिमैए परमेश्वर आडिं, सोगों तबैए परमेश्वर
ग।† क्हेमैम् तिफुँइ ताँ आक्होबै मुँन।”

✧ 12:18 12:18 ॐॐॐॐ ॐॐॐ ✧ 12:19 12:19 ॐॐ ॐॐॐ ✧ 12:26 12:26
ॐॐॐ ॐॐॐ † 12:27 12:27 ॐॐॐॐ ॐॐॐॐॐॐ ॐॐ ॐॐॐॐ ॐॐ ॐॐॐॐ,
छतसि डचोए
खेंमै ओसों सिल् खानाबिलेया च त्हेर सोगों तसि परमेश्वरने टिमल।

१११११ १११११११११ १११ ११११ १११११
 (१११११ ११:११-११; ११११ ११:११-११)

28 शास्त्रिमैं न्होंबैं म्हि घि चर खमा म्हिमैंइ डचोएबै ताँमैंए
 ज्वाफ येशूजी छेनले पिंब् थेसि शास्त्रिइ खीने “मोशाइ पिंबै
 ठिमबैं ताँमैं न्होंरि ताँन् भन्दा थेबै ताँ तो जा?” बिसि डचोएइ ।

29 येशूजी बिइ, “ताँन् भन्दा थेबै ताँ चुन् ग,
 ‘ओ इस्राएलीमैं थेद! डचोए याहवेह परमेश्वर घि मत्त्रे मुँबै
 परमेश्वर ग ।

30 किहइ ह्रब्दे सेब्दे, खाँब्दे, सैं न्होंउँडँले, खों न्होंउँडँले
 ह्रोंसए याहवेह परमेश्वरलाइ म्हाँया लद् ।”☆

31 अर्को आज्ञा चुन् ग,
 ‘किहइ ह्रोंसए इहेब्मैं ह्रोंसलाइ धोंले म्हाँया लद् ।’
 चु आज्ञा डिहं भन्दा थेब अरू तोइ आरे ।”☆

32 शास्त्रिइ धबै येशूने बिइ, “गुरु, किहजी छ्याँबै ताँ बिइ,
 तलेबिस्याँ परमेश्वर घि मत्त्रे मुँ, खी बाहेक अरू खाबै आरे ।”☆

33 छ्रतसि किहइ ह्रब्दे सेब्दे, खाँब्दे, सैं न्होंउँडँले, खों न्होंउँडँले
 परमेश्वरए म्हाँया लद् । धै ह्रोंसए इहेब्मैं ह्रोंसलाइ धोंलेन्
 म्हाँया लल् त्हुम् । चु ताँ डिहं ताँन् खालबैं खो पिंब् भन्दा थेब्
 ग ।”☆

34 च शास्त्रिइ छले ह्रब् सेल्ले ज्वाफ पिंब् थेसि येशूजी चने
 बिइ, “किह परमेश्वरए ग्याल्सउँडँले ह्रेंगो आरे ।”

च त्हेसेरो खाबज्यै या येशूने ताँमैं डचोएबै आँट आल ।”☆

१११११११ ११११११ ११११११११ ११११११ ११११
 (११११११ ११:११-११; १११११ ११:११-११)

6 ल्हें म्हिमैं डए मिं किसि, 'ड परमेश्वरजी कुलवै मुँ (खीष्ट) ग,' बिसि खब्मुँ, धै ल्हें म्हिमैं लुवाब्मुँ ।

7 फ्होंब् नेब् तब कहेमैंइ म्रोंब्मुँ, 'फ्होंब् नेब् तरिइमुँ रो' बिब थेब्मुँ, दिलेया कहेमैं आडिहंन् तलेबिस्याँ चु तलन् त्हुम् । छान् तलेया नास तवै त्हे अझै आतइमुँ ।

8 तलेबिस्याँ हें-हेंए म्हाँजोर फ्होंब् कैब् तब, ग्यात्स ग्यात्सए न्होर फ्होंब् नेब् तब्मुँ कल्ह्यो कल्ह्योरि सयो खब्मुँ, अँडगल् तब्मुँ । दिलेया चु ताँन् सैमै भर्खर सुत्केरि बेथा ल्हैदिब् धों मत्त्रे ग ।

9 "कहेमैं ह्रोंसए ल्हागिरि न्ह क्रों मिक्कोले टिद् । तलेबिस्याँ म्हिमैंइ कहेमैं क्हासि म्हि च्हाँए उँडैर बोब्मुँ, झाइले च्हाँ धिंजरे कहेमैं धोंब्मुँ । डए फिर बिश्वास लबइले कहेमैंइ डए बारेर ग्वाइ पिबर ऋथेमैं नेरो मुँमैए उँडैर राल् त्हुब्मुँ ।

10 झाइले परमेश्वरउँडैले खबै सै तोबै ताँ ताँन् ह्रेंबै म्हिमैने बिल् त्हुब्मुँ ।

11 म्हिमैंइ कहेमैंलाइ क्हासि बोयामा 'तो बिब् ड्हे,' बिसि कहेमैं न्हुँ आलद् । तलेबिस्याँ च त्हेर्न परमेश्वरजी कहेमैने 'पोन्' बिबै ताँ पोन् । कहेमैंइ पोब आडिं, परमेश्वरए पबित्र प्ल्हजी पोब् ग । ✨

12 "च त्हेरि ह्रोंसए त्येमैं न्होर्न घ्रिइ घ्रि सैबर पिंवाब्मुँ, छलेन आबा आमाइ च्ह च्हमि, च्ह चमिमैंइ आबा आमा सैबर पिंवाब्मुँ ।

13 डए फिर बिश्वास लब्मैं तबइले ताँनइ कहेमैं हेल् लब्मुँ । दिलेया लिउँडै समा दुःख सैदिसि दुक्कले टिब्मैं जोगेल् योंब्मुँ । ✨

ॐॐॐॐॐॐ ॐॐॐॐॐॐ ॐॐॐॐॐ ॐॐॐॐॐॐॐ
(ॐॐॐॐॐ ॐॐ:ॐॐ-ॐॐ; ॐॐॐॐ ॐॐ:ॐॐ-ॐॐ)

14 “कहेमैइ ‘नास लबै छेरन् तबै सै’ तल् आत्हुबै कल्ह्योर तब् प्रोमा (चु ताँ खेबै म्हिइ कहोरिगे ।) कहेमै यहूदीया ह्युलर मुँबै कोंउँइँ भौदिल् त्हुब्मुँ ।☆

15 कौसिर मुँबै तो-तो सैमै ट्हुइब् बिसि धिं न्होर आहोरिगे ।

16 छलेन प्रोर मुँबै या ह्णोसए खिबै क्वेमै किब् बिसि धिर आएरिगे ।☆

17 च त्हेर फोर फ्हेसे नोबै नेरो इहे तिबै आमामैए ल्हागिर ओँछे,मै बेल्ले गारो तब्मुँ ।

18 छतसि खुँबै त्हेर भौदिल् आत्हुरिगे* बिसि प्राथना लद् ।

19 तलेबिस्याँ च त्हेर तब् धों तबै दुःख परमेश्वरजी ह्युल केमिब् ओँनोबै तियाँ समा खोंयोँइ आतइमुँ, लिउँज्यै या छाबै दुःख खोंयोँइ तरिब् आरे ।☆

20 परमेश्वरजी च दुःख तबै त्हे आघटिमिस्याँ खाबै या सोल् आखाँमल । दिलेया परमेश्वरजी खीजी त्हाँबै म्हिमैए ल्हागिर च त्हे घटिमिँइमुँ ।

21 “च त्हेर कहेमैने खाबज्यै ‘इह्योत्ति! परमेश्वरजी कुल्मिंबै मुँ खीष्ट चुर मुँ, चर मुँ’ बिस्याँ चए ताँ आक्वेन् ।

22 तलेबिस्याँ ‘परमेश्वरजी कुल्मिंबै मुँ डन् ग’ बिबै नेरो ‘अगमबक्ता डन् ग’ बिसि स्योर तेबै ल्हेँ त्हाँब्मुँ । परमेश्वरजी त्हाँबै म्हिमैलाइ खान् समा लुबै ल्हागिर स्योलिबै ताँ बिबैइँ औदिबै चिनुमै नेरो केमै लब्मुँ ।

23 छतसि कहेमै न्हक्रों मिक्त्रोले टिद् । फ्हाँना लिउँइँ तबै तोन्दोरि ताँमै डइ ओँसोन् कहेमैने बिमिँइमुँ ।

☆ 13:14 13:14 ॐॐ ॐ:२७; ११:३१; १२:११ ☆ 13:16 13:15-16 ॐॐ ॐ:३१

* 13:18 13:18 ॐॐॐॐ ॐॐॐॐ ॐॐॐॐॐॐ ॐॐॐॐॐॐॐॐ ॐॐॐॐ ॐॐॐॐॐ ॐॐॐॐ ॐॐॐ ॐॐॐॐॐ

ॐॐॐॐ ☆ 13:19 13:19 ॐॐ ॐ:१; दर्शन ७:१४

ॐॐॐॐॐ ॐॐॐ ॐॐॐ ॐॐॐॐॐॐॐ
(ॐॐॐॐॐ ॐॐ:ॐॐ-ॐॐ; ॐॐॐॐ ॐॐ:ॐॐ-ॐॐ)

- 24 “च थेबै दुःख तबै लिउँइँ
त्हियाँ म्हुँइँस छु तयाब्मुँ,
धै लयाँए चारबै या म्हह्याब्मुँ ।☆
- 25 मुबै सारमैँ खारह्याब्मुँ,
झाइले मुबैँ शक्तिमैँ या लायाब्मुँ ।☆
- 26 च लिउँइँ म्हिए च्ह बेल्ले थेबै शक्तिर नेरो बेल्ले म्हारल्ले
न्हाम्स्योए म्हाँजोर युरिब म्हिमैँइँ म्त्रोब्मुँ ।☆
- 27 झाइले खीजी स्वर्गदूतमैँ स नेरो मुर खन्तोदोन् कुलब्मुँ, धै
खीजी त्हाँबै म्हिमैँ खन्तोदोन् उँइँले खागु लब्मुँ ।

ॐॐॐॐॐॐ ॐॐॐॐॐॐॐॐॐ ॐॐॐॐॐॐॐ
(ॐॐॐॐॐ ॐॐ:ॐॐ-ॐॐ; ॐॐॐॐ ॐॐ:ॐॐ-ॐॐ)

- 28 “छतसि क्हेमैँइँ तुँबुए धुँमैँ उँइँले लोद् । चए हाँगर कलिलो
फ्होमैँ पलिदिब् म्त्रोमा क्हेमैँइँ वर्ष होंखन बिसि सेम् ।
- 29 छलेन क्हेमैँइँ चु ताँमैँ तरिब् म्त्रोमा खी चेंदोन् मुँ, युबि छेइँमुँ†
बिसि सेद् ।
- 30 क्होसेँन ड क्हेमैँने बिमुँ, चु तोन्दोरि ताँ आतन् समा चु
पुस्ता नास तरिब् आरे ।
- 31 स्वर्ग नेरो पृथ्वी नास तयाब्मुँ, दिलेया डए ताँ खोंयोन् बिलै
तरिम् ।

ॐॐॐ ॐॐॐ ॐॐॐॐ ॐॐॐॐॐॐॐ ॐॐॐ ॐॐॐॐ ॐॐॐॐॐॐॐ ॐॐॐ
ॐॐॐ
(ॐॐॐॐॐ ॐॐ:ॐॐ-ॐॐ)

☆ 13:24 13:24 ॐॐ ॐॐ:१०; योए २:१०,३१; ३:१५; दर्शन ६:१२; इज्ज ३२:७ ☆ 13:25
13:25 ॐॐ ॐॐ:४; दर्शन ६:१३; योए २:१० ☆ 13:26 13:26 ॐॐ ॐॐ:१३; दर्शन १:७
† 13:29 13:29 ॐॐॐॐ ॐॐॐॐॐॐ ॐॐॐॐ ॐॐॐॐॐॐ, म्त्रागेँ सुँनाँ मुँ

32 “ह्युल नास तबै त्हे नेरो त्तिंइ आबाइ मत्त्रे सेइमुं । स्वर्गर टिबै स्वर्गदूतमैज्यै आसे, परमेश्वरए च्हेज्यै या आसे ।*
 33 छतसि न्हक्रों मिक्त्रोले टिदु धै प्राथना लद्, तलेबिस्यां च त्हे खोंयो तम् बिसि क्हेमैइ आसे ।
 34 च त्हे चु अहान् धों तब् ग । म्हि म्निइ ह्रोंसए के लब्मैने छ छ लद् ओ बिसि खें-खेंमैए के फेलमिसि ‘क्हेमै छेन्ले टिद् ओ’ बिसि धिंउँइले स्युरबर ह्याब् धों तब् ग ।*
 35 छतसि क्हेमै या न्हक्रों मिक्त्रोले टिदु तलेबिस्यां धिंए क्हे डेसर खम् उ, म्हुँइस आधार खम् उ, नग ओरबै त्हेर खम् उ, फँन्हाँग्धों न्हाँगर खम् उ, खोंयो खम्? बिसि क्हेमैइ आसे ।
 36 आस्यां क्हेमैए सैरै आमैबै त्हेर खस्यां क्हेमै न्हरु च्हुइरिब स्यालै ।
 37 छतसि डइ क्हेमैने बिब् धोलेन्, ताँन् म्हिमैने ‘न्हक्रों मिक्त्रोले टिद्!’ बिमुं ।”

14

22222222 22222 22 2222
 (222222 22:2-2; 22222 22:2-2; 22222222 22:22-22)

1 दुःखने फ्रेबै चाड* नेरो प्लेढा आझोंबै क्हे चबै त्तिंइ† खब ड्हरो चैल । खो पिंबै खेगि चिब्मै नेरो शास्त्रिमैइ खाबज्यै आसेल्ले येशूलाइ खैले क्हासि सैब् ड्हे बिसि घ्यां म्हेरिल ।*
 2 दिलेया “चाडए त्हेर ड्चोइ छ लल् आत । छ लइ बिस्यां म्हिमैए म्हाँजोर खैलाबैला तब्मुं बिसि,” शास्त्रिमैइ बिल ।

* 13:32 13:32 22:36 * 13:34 13:34 22:36-37 * 14:1 14:1
 222222 222222 22 2222222222 22222 2222222222 222222 2222222222 222222 222222
 22222 22222222 2222 22222222 2222 2222 22 22222222 222 22222222 222222 222222
 † 14:1 14:1 222222 222222 222222 22 222222 222222 222 22222222 2222 22 222222
 222222 222222 222222 22 222222 (प्रसथान १२:१-१४) * 14:1 14:1 2222 22:२-७

११११११११ ११११ १११११११११ ११११११११ १११११
 ११११११११ ११११११ १११११११
 (११११११ ११:१-११; ११११११११ ११:१-१)

3 च त्हेर येशू बेथानिया बिबै नाँसर सिमोन बिबै कोर खबै म्हि ध्रिए धिंर कै चबर कहुँमा च्मिरि ध्रिइ सिङ्गमरमरण सिसा ध्रिर जटामसि बिबै सै ल्हें फेबै अत्तर पखइ । धै चइ सिसा तिसि येशूए ऋर अत्तर युमिंइ ।*

4 “चु अत्तर तले छले नोक्सन लगे? बिसि को-कोइ हिस लसि खेंमैए न्होंरि बिबर होंइ ।

5 तलेबिस्याँ चु अत्तर चाँदिए सोब्रार भन्दा ल्हेर चुँसि योंबै मुइ इहाँदुमैलाइ पिल् खाँमल,” बिसि चमैँइ च च्मिरिलाइ हौदिइ ।

6 दिलेया येशूजी चमैँने बिइ, “भुर्रिगे! कहेमैँ तले चुलाइ हौदिरिल? उए ल्हागिर चुइ छयाँबन् लइमुँ ।

7 तलेबिस्याँ इहाँदुमैँ कहेमैँने खोंयोन् बिलै तरिब्मुँ । कहेमैँइ चमैँलाइ तोइ पिंदा इहाँस्याँ खोंयोँ पिलेन् खाँम् । दिलेया डम् खोंयोँइ या कहेमैँने आत ।*

8 चु च्मिरिइ तो लल् खाँमुँ चन् लइ । चइ अत्तर फोमिसि उए ज्यु पाबै ल्हागिर तयार लइमुँ ।

9 क्हासेंन ड कहेमैँने बिमुँ, परमेश्वरउँइले खबै सें तोंबै ताँ म्हिमैँइ ह्युल तिगोंन् बिप्रमा चु च्मिरिलाइ मैँबै ल्हागिर चइ लबै केए बयनै या लब्मुँ ।”

११११११११ १११११ १११११ १११११
 (१११११११ ११:११-११; १११११ ११:१-१)

10 झाइले च्युसे इहं चेलामैँ न्होंबैँ इस्करयोतथें यहूदाइ येशू क्हासि चमैँए योर पिँबै ल्हागिर खो पिँबै खेगि चिब्में डार ह्याइ ।

11 चए ताँ थेसि चमै बेल्ले सैं तोंसि चलाइ “भुइ पिंस्यो” बिबै बाछ्हा लइ। छतसि चइ येशू खैले कहाब् इहे बिसि घ्याँ म्हैबर होंइ।

ॐॐॐॐॐॐ ॐॐॐॐॐॐॐॐॐ ॐॐॐॐॐॐ ॐॐॐॐॐॐ ॐॐॐॐ ॐॐॐ
ॐॐ (ॐॐॐॐॐ ॐॐ:ॐॐ-ॐॐ; ॐॐॐॐ ॐॐ:ॐ-ॐॐ,ॐॐ-ॐॐ;
ॐॐॐॐॐॐॐॐ ॐॐ:ॐॐ-ॐॐ)

12 प्लेढा आझोंबै कहें चबै चाडए ओंसोंबै त्हिंडर दुःखने फ्रेबै चाडए ल्हागिर चमैइ क्यु खो पिंमल। छतसि येशूए चेलामैइ “डि खनिर ह्यासि क्हिए ल्हागिर दुःखने फ्रेबै चाडए भोज तौदु लले? क्हिए सैं तो मुँ? बिसि,” खीने डचोएइ।

13 झाइले येशूजी ह्त्तोंसए चेलामैं न्होंबैं इहंने बिइ “सहरर ह्यादु, चर ह्यामा गौरिर क्यु खासि ह्यारिबै म्हि घि कहेमैइ त्होब्मुं। चए लिलि ह्यादु।

14 झाइले च म्हि होंबै धिंए क्ल्हेने छ बिद, ‘डए चेलामैंने बालु दुःखने फ्रेबै चाडए भोज चबै कोठा खनिर जा? बिसि गुरुजी डचोएइमुँ।’

15 छबिमा चैदिबै सैमैं तौदु लथेंबै फिबैं तलर कोठा घि चइ कहेमैलाइ तेंब्मुं। चर्न कहेमैइ डचोए ल्हागिरि भोज तौदु लदु।”

16 झाइले चेलामैं इहं सहरर ह्यामा तोन्दोंरि सै खीजी बिब् धोंलेन् स्याइ, धै चमैइ चर्न दुःखने फ्रेबै चाडए भोज तौदु लइ।

17 झाइले डेसा तमा खी च्युसे इहं चेलामैंने च कोठार खइ।

18 खेंमें चब् चरिमा येशूजी बिइ, “क्ह्त्तोंसेंन ड कहेमैंने बिमुँ, कहेमैए न्होंरि डने बालु चबै म्हि घिइ डलाइ कहाल् पिंब्मुं।”☆

19 छ बिब् थेसि चेलामैं दुःख म्हाँदिसि पलो पलोले क्हिह्लाइ कहाल् पिबै म्हि “ड उ?” बिसि येशूने डचोएबर होंइ।

27 झाइले येशूजी चमैने बिइ, “तारे क्हेमैइ डलाइ वाथेंसि ह्याब्मुं तलेबिस्याँ परमेश्वरए छवेर छले फ्हिइमुं,
 ‘डइ फ्होंछें, सैवाब्मुं,
 धै क्युमैं सोग्याँ फ्हुंग्या तयाब्मुं ।’☆

28 छान् तलेया ड सिसि धबै सोगों तसि क्हेमैं भन्दा ओसोंन् गालील ह्युलर ह्याब्मुं ।”☆

29 छबिमा पत्रुसइ येशूने बिइ, “ताँनइ किह पिथेंलेया डइ खोंयोँइ किह पिरिब आरे ।”

30 येशूजी पत्रुसने बिइ, “क्होंसेन ड किहने बिमुं, तिंयाँबै म्हुँइँसर्न नग भाले इहखे ओरब् ओसों सोखे समा किहइ डलाइ डो आसे बिब्मुं ।”

31 दिलेया पत्रुसइ झन् ओरसि बिइ, “ड किहने बालुन् सिल् त्हुलेया डइ किह डो आसे बिरिब आरे!” बिमा अरू चेलामेंज्यै या छान् बिइ ।

*□□□□□□ □□□□□□□□ □□□□ □□□□□□□□ □□□□□□□□ □□
 (□□□□□□ □□:□□-□□; □□□□ □□:□□-□□)*

32 च लिउँइँ खेंमैं गेतसमनि बिबै बगैंचार ह्यासि खीजी ह्नोंसए चेलामैने बिइ, “डइ प्राथना लरिन् समा क्हेमैं चुर्न टिरिद् ओ ।”

33 बिसि पत्रुस, याकूब नेरो यूहन्ना खीने बालुन् बोइ । च्हमा खीए सैंर सैदिल् आखाँबै दुःख तसि बेल्ले आतिदिरिल ।

34 खीजी चमैने बिइ, “डए सैंबैं शोकइ लमा डए सैं आचि-आचि इहाँसि बेल्ले न्हुँ खइमुं । क्हेमैं चुर न्हरु आच्छुइल्ले टिरिद् ।”

35 बिसि खी दे क्याइ ह्यासि सर पत्खु तसि “तल् खाँम् बिस्याँ च्हु दुःखए त्हे ड डाँइँले स्योमिंनु,” बिसि प्राथना लइ ।

36 “ओ आबा, किहजी लल् आखाँबै सै तोइ आरे। छतसि चु दुःख ड डाँइले स्योमिनु। दिलेया डए सैर मैब् धोले आडिं, किहए सैर मैब् धोले तरिगे।”

37 खी प्राथना लसि चेलामैं डार एखमा चमैं न्हरु च्हुइरिब् स्याइ। छतब् स्यामा खीजी पत्रुसने बिइ, “ओ सिमोन, किह न्हरु च्हुइरिल् वा? घण्टा घि या न्हरु आच्हुइल्ले टिल् आखाँ वा?”

38 दुष्टइ क्हेमैलाइ पापर आचोरिगे बिसि न्हरु आच्हुइल्ले प्राथना लद्। क्हेमैए सैइ खाँलै इहाँम्, दिलेया ज्युइ बिस्याँ आखाँ।”

39 येशू धबै ह्यासि ओंसोंबै धोलेन् प्राथना लइ।

40 धबै एखमा खीजी चमैं न्हरु च्हुइरिब् स्याइ। तलेबिस्याँ चमैए मि न्हरुइ फैल् आखाँल। छतसि “खीने तो ज्वाफ पिब् इहे?” बिसि चमैइ था आसेल।

41 सोंखेबै लारै या येशू प्राथना लसि खमा छाबन् स्याइ। छतसि खीजी चमैंने बिइ, “क्हेमैं अझै न्हरु च्हुइसि भों न्हरिल् वा? तारे न्हरु आच्हुइद्। इह्योद्! म्हिहए च्छ पापिमैए योर पिंवाबै त्हे तइ।

42 रेद्, ह्याले। इह्योद्! डलाइ धोका पिसि क्हाल् पिंबै म्हि फेखइ।”

□□□□□□ □□□□□□□□
(□□□□□□ □□:□□-□□; □□□□ □□:□□-□□; □□□□□□□□
□□:□-□□)

43 येशूजी छ बिडन मुंमा खीए च्युसे डिहं चेलामैं न्होंबैं यहूदा चर फेखइ। चने बालु सेलाँ (तरवार) नेरो प्हरे छेबै ल्हें म्हि या खइ। चमैं खो पिंबै खेगि चिबमैं, शास्त्रिमैं, नेरो यहूदीमैए चिबनाँबमैइ कुलल।

44 च यहूदाइ ओंसोन् च कहाबै म्हिमैने छु बिथेंल, “उ ह्यासि म्वें लबै म्हिलाइन कहेमैइ कहासि बोद ।”

45 छुतसि यहूदा येशू डार ह्यासि “ओ गुरु” बिसि येशूलाइ म्वें लइ ।

46 झाइले चमैइ येशूए फिर यो झांसि येशूलाइ कहाइ ।

47 चर रारिबै म्हिमै न्होबै म्हि भ्रिइ सेलाँ टहुइसि खो पिंबै खेगि ऋथेए के लबै म्हिए न्हेमें थोवाइ ।

48 येशूजी चमैने बिइ, “उ ह्यो वा? छुले कहेमै सेलाँ नेरो फ्हेरे छेसि डलाइ कहाबर खब?

49 डइ ओंसो ओंनोन् त्हिंइ ह्त्रोसे मन्दिरर कहेमैलाइ लोमिंमा कहेमैइ डलाइ आकहा । दिलेया परमेश्वरए छुवेर फ्हेरबै ताँ पूरा तरिगे बिसि चु तखब् ग ।”[☆]

50 च तोदोन् चेलामै येशूलाइ वाथेंसि भौदिह्याइ ।

51 दिलेया ज्युर सुतिए क्वें मत्त्रे वेदिबै फ्रेंसि भ्रि येशूए लिलि ल्हैदिल । चमैइ च फ्रेंसिलाज्यै या कहाइ ।

52 दिलेया च फ्रेंसि क्वें वाथेंसि क्लुंनन् भौदिह्याइ ।

ॐॐॐॐ ॐॐॐॐ ॐॐॐॐ ॐॐॐॐॐॐ ॐॐॐॐॐ ॐॐॐॐ
(ॐॐॐॐॐ ॐॐ:ॐॐ-ॐॐ; ॐॐॐॐ ॐॐ:ॐॐ-ॐॐ,ॐॐ-ॐॐ;
ॐॐॐॐॐॐॐ ॐॐ:ॐॐ-ॐॐ,ॐॐ-ॐॐ)

53 च म्हिमैइ येशूलाइ खो पिंबै खेगि ऋथे डार बोइ । चर ताँन् खो पिंबै खेगि चिबमै, चिबनाँबमै नेरो शास्त्रिमै ताँन् थेबै म्हि च्छोर खागु तल ।

54 पत्रुस बिस्याँ दे हेंगोले येशूए लिलि ल्हैदिसि खो पिंबै खेगि ऋथेए ह्युर फेखसि खो पिंबै खेगि ऋथेए पालेमैने मि त्हिबर होंइ ।

55 झाइले खो पिंबै खेगि चिबमै नेरो थेबै म्हि च्छोबै म्हिमैइ येशूलाइ सैबै ल्हागिर खीए बिरोधर प्रमाण म्हेइ, दिलेया तोइ योल् आखाँ ।

56 ल्हें म्हिमैँइ खीए बिरोधर स्योलिबै ग्वाइ पिंइ, दिलेया चमैँए ताँ घि या आक्हिल ।

57 को-कोइ म्हिमैँ रासि खीए बिरोधर स्योर तेसि छ बिबर होंइ,

58 “ ‘म्हिमैँइ बनेबै चु मन्दिर फुवासि म्हिए योइ आबनेबै अकों मन्दिर डइ सोंरोर्न बनेब्मुँ,’ बिब डिइ थेइ ।”☆

59 दिलेया चमैँइ बिबै चु ताँ या आक्हिल ।

60 झाइले खो पिंबै खेगि ऋथे म्हि च्हांए म्हाँजोर रासि “चु म्हिमैँइ क्हिए बिरोधर बिबै ताँ तो जा? क्हिने तोइ ज्वाफ आरे वा?” बिसि येशूने डचोएइ ।

61 दिलेया येशू तोइ आबिल्ले टिइ, ज्वाफ घि या आपि ।

खो पिंबै खेगि ऋथेइ धबै येशूने “क्हि पबित्र परमेश्वरए च्हे खीजी कुल्मिंबै मुँ खीष्ट वा?” बिसि डचोएइ ।

62 येशूजी “अँ डन् ग बिइ, क्हेमैँइ तिगें म्हिए च्हे परमेश्वरए क्योलो हार टिरिब् नेरो न्हांम्स्योए न्हांँउँइले युरिब् म्रॉब्मुँ ।”☆

63 खीए ताँ थेसि खो पिंबै खेगि ऋथे बेल्ले द्विस खसि द्वोंसए क्वें ट्होवासि बिइ, “तारे डचोलाइ अरू ग्वाइ आचैदि ।

64 चइ परमेश्वरए बिरोधर पोंब क्हेमैँइ थेइ । तारे क्हेमैँए सैँर तो मैँमुँ?” बिमा चमैँइ “चलाइ सैलन् ल्हुम्,” बिइ ।☆

65 छबिमा को-कोइ खीलाइ थुइसि खीए मि हुवासि प्रिंदै बिइ, “ल्हु, बिद, खाबइ क्हिलाइ प्रिंइ?” लिउँइँ चर्बै सिपाइमैँइ येशूलाइ क्हाबोसि खीलाइ बेल्ले प्रिंइ ।

ॐॐॐॐॐॐ ॐॐॐॐॐॐॐ “ॐॐ ॐॐॐ” ॐॐॐ
 (ॐॐॐॐॐॐ ॐॐ:ॐॐ-ॐॐ; ॐॐॐॐ ॐॐ:ॐॐ-ॐॐ; ॐॐॐॐॐॐॐॐ
 ॐॐ:ॐॐ-ॐॐ,ॐॐ-ॐॐ)

66 पत्रुस ह्युर्न टिरिमा खो पिंबै खेगि ऋथेए केब्स्यो घि चर खइ ।

67 पत्रुस मि त्हरिब म्रोसि चइ बिइ, “क्हि या नासरतथें येशूने मुँल ।”

68 दिलेया पत्रुसइ “आडिं! क्हिइ बिबै ताँ डइ तोइ आक्हो, तोइ आसे,” बिसि बैरुबै म्पाउँइँ त्होँह्यामा नग भाले ओरइ ।

69 च केब्स्योइ धवै पत्रुसलाइ म्रोसि चर रारिबै म्हिमैने “चु म्हिम् येशूने प्रब्मै न्होँबैँ घि ग,” बिबर होंइ ।

70 छ्बिमा पत्रुसइ धवै “आडिं!” बिइ ।

चजरे रारिबै म्हिमैइ तिस्याँदे लिउँइँ पत्रुसने बिइ, “क्ह्रोँसेन क्हि येशूए चेलामैँ न्होँबैँ घि ग, तलेबिस्याँ क्हि गालीलथें ग ।”

71 चमैँइ छ्बिमा पत्रुसइ कसम चसि बिबर होंइ, “डइ स्योर तेस्याँ परमेश्वरजी डलाइ सराप पिंरिगे! क्हेमैँइ बिबै म्हि डइ डो आसे ।”

72 छ् बिबै तोदोन् ड्हिखेबै लार नग भाले ओरइ । च लिउँइँ मत्त्रे पत्रुसइ ओंसोन् येशूजी “तियाँ म्हुँइँसर ड्हिखेबै लार नग भाले ओरब् ओंसोन् सोँखे समा क्हिइ डलाइ डो आसे बिब्मुँ,” बिबै ताँ मैँसि पत्रुस बेल्ले क्रोइ ।

15

□□□□□ □□□□□□□□ □□□□□ □□□□ □□□
 (□□□□□ □□:□-□,□□-□□; □□□□ □□:□-□; □□□□□□□□
 □□:□□-□□)

1 झाइले न्हाँगर मि म्रोबै तोदोन् खो पिंबै खेगि चिब्मैँ, चिबनाँब्मैँ, शास्त्रिमैँ नेरो थेबै म्हि च्होर खागु तबै म्हिमैँइ सल्ला लसि येशूलाइ फैसि पिलातस बिबै रोमी ऋथे डार बोयाइ ।

2 पिलातसइ येशूने “क्हि यहूदीमैँए मुँ वा?” बिसि डचोएमा खीजी चने ज्वाइ पिंइ, “क्हिइन छ् बिरिइमुँ दि ।”

3 खो पिंबै खेगि चिब्मैँइ येशूए फिर ल्हें छ्चाब ल्हैदिइ ।

4 झाइले पिलातसइ धबै येशूने बिइ, “इह्योद! चमैइ किएए फिर ल्हें छ्याब्लैं ल्हैदिरिइमुँ । चमैइ किएए फिर ल्हैदिवै छ्याबल किहइ तोइ ज्वाफ आपिं वा?”

5 छान् बिलेया येशूजी तोइ ज्वाफ आपिं । छतमा पिलातस प्लेटोयाइ ।

ॐॐॐॐॐॐ ॐॐॐॐ ॐॐॐॐ ॐॐॐॐ
(ॐॐॐॐॐ ॐॐ:ॐॐ-ॐॐ; ॐॐॐॐ ॐॐ:ॐॐ-ॐॐ; ॐॐॐॐॐॐॐॐ
ॐॐ:ॐॐ—ॐॐ:ॐॐ)

6 बर्ष ह्तोसे दुःखने फ्रेबै चाड खमा पिलातसइ म्हिमैइ त्हाँबै म्हि घि झेलउँइले पिमिमल ।

7 च त्हेर रोमी मुँए बिरोधर राब्लैं झेलर मुँल । चमैइ फ्हाँब् नेब् लसि म्हिमै सैल । चमै न्होरि बरब्बा बिबै म्हि घि मुँल ।

8 म्हिए हुल खसि पिलातसने “किहइ ओंसों लब् धोले डिइ त्हाँबै म्हि पिमिन्,” बिसि बिबर होंइ ।

9 पिलातसइ चमैने बिइ, “क्हेमैए ल्हागिर यहूदीमैए मुँ पिमिरिगे इहाँइमुँ वा?”

10 तलेबिस्याँ खो पिंबै खेगि चिब्लैंइ येशूए फिर हिस म्हाँदिसि खी डार पखब् ग बिसि पिलातसइ सेल ।

11 दिलेया खो पिंबै खेगि चिब्लैंइ “बरब्बा पिमिन् बिद् ओ!” बिसि म्हिए हुललाइ सुरिदिवाइ ।

12 पिलातसइ धबै चमैने “छ बिस्याँ क्हेमैइ यहूदीमैए मुँ बिबै म्हिलाइ डइ तो लले दि?” बिसि डचोएइ ।

13 चमैइ धबै कै तेसि “चलाइ कूसर च्योवाद,” बिइ ।

14 पिलातसइ चमैने “तले? चइ आछ्याँबै के तो लइमुँ?” बिसि डचोएमा

चमै झन थेबै कै तेसि “चलाइ कूसर च्योवाद,” बिइ ।

15 छतमा पिलातसइ च म्हिमैए सैं तौन् लबर बरब्बालाइ पिमिंइ, येशूलाइ बिस्व्याँ कोर्राइ प्रुल् पिसि कूसर च्योवाबर पिंवाइ।

११११११११ ११११११ १११११११ ११
(११११११ ११:११-११; ११११११११ ११:१-१)

16 सिपाइमैइ येशूलाइ दरबार न्होर बोसि चर्बै अरू सिपाइमै या ताँन् खागु लइ।

17 झाइले चमैइ खीलाइ सुपारि रडबै क्वे खिमिसि पुजुए मुकुट या लसि खीए क्रर कुमिंइ।

18 झाइले चमैइ “यहूदीमैए म्रुँ जय!” बिदै फ्योब् धों लसि बिल्लि लबर होंइ।

19 झाइले चमैइ येशूए क्रर फ्हेइ प्रिसि थुइ, धै च्हि तुंसि येशूलाइ फ्योब् धों लइ।

20 छले येशूए बिल्लि लसि चमैइ सुपारि रडबै क्वे प्लिवासि खीए क्वेन् खिमिसि कूसर च्योबै ल्हागिर येशू बैरु बोइ।

११११११११ ११११११११ १११११११११
(११११११ ११:११-११; १११११ ११:११-११; ११११११११ ११:११-११)

21 खेमैं घ्यार ह्यारिमा कुरेनीथें सिमोन बिबै म्हि नाँसउँले बजार ह्याब् विसि खरिब् त्होइ। च म्हि अलेकजेन्डर नेरो रूफसए आबा मुँल। सिपाइमैइ च म्हिने येशूए कूस कर ल्हैदिसि नोबर ल्हैदिइ।*

22 च लिउँइ चमैइ येशूलाइ गलगथा बिबै क्तह्योर बोइ। गलगथाए अर्थ क्र खोप्लें ग।

23 चर फेनेसि चमैइ येशूलाइ मूर्* कोबै फ्हा थुँबर पिंइ, दिलेया येशूजी थुँल आडिं।

* 15:21 15:21 १११ ११:१३ * 15:23 15:23 १११११ १११ ११११ ११

33 तिह्याँबै च्युसे डिहं ह्वाबै त्हेसेरो सों ह्वाबै त्हे समा ह्युल तिगोंन् मिछु तयाइ ।

34 सों ह्वाबै त्हेजरे येशूजी थेबै कैले बिइ, “इलोइ, इलोइ, लामा सबखथनि?” ☆ (छ बिबै अर्थ “ओ डए परमेश्वर, ओ डए परमेश्वर, किहजी डलाइ तले पिवाल?” बिब् ग ।)

35 चर राबै कोइ म्हिमेंइ येशूजी बिबै ताँ आकहोसि बिइ, “थेत्ति, चइ स्योम्बै एलिया हुइरिइमुँ ।”

36 झाइले म्हि म्नि न्हेह्यासि प्हा क्यूर हुइ प्लुँइ । धै चइ म्वोए प्हेरेर फैसि खीलाइ थुँल् पिंमा बिइ, “तारे, एलिया खनदै युसि चलाइ कूसउँडैले तमिम् उ, इह्योले!” ☆

37 झाइले येशूजी थेबै कै तेसि सो पिवाइ ।

38 च तोंदोंन् यरूशलेमरि मन्दिरबै पर्दा ताइले माइ समा म्हाँजोर्न डिहबाँ फैले टोह्याइ । ☆

39 येशूजी सो पिब् म्रोंसि खीए ओंसों रारिबै कप्तानइ “चु म्हिम् क्दोंसेन परमेश्वरए च्ह मुँन,” बिइ ।

40 चर च्हमिरिमै या हेंगोउँडैले इह्योरिल । चमैए म्हाँजोरि मरियम बिबै मग्दालाथेंस्यो, च्योंब याकूब, योसेफए आमा मरियम नेरो सलोमि बिबै च्हमिरि मुँल ।

41 येशू गालीलर मुँमा चमैइ येशूए सेवा लदै खीने प्रमल । झाइले येशूने बालु यरूशलेमर खबै अरू ल्हेँ च्हमिरिमै या चर रासि इह्योरिल । ☆

ॐॐॐॐ ॐॐॐॐ
(ॐॐॐॐॐॐ ॐॐ:ॐॐ-ॐॐ; ॐॐॐॐ ॐॐ:ॐॐ-ॐॐ; ॐॐॐॐॐॐॐॐॐ
ॐॐ:ॐॐ-ॐॐ)

☆ 15:34 15:34 ॐ ॐ:१ ☆ 15:36 15:36 ॐ ॐ:२१ ☆ 15:38 15:38 ॐॐॐ

ॐ:३१-३३ ☆ 15:41 15:40-41 ॐॐ ॐ:२-३

42 प्रिबै त्हिंइए ओंसोंबै त्हिंइ तसेरो च त्हिंइ “प्रिबै त्हिंइए ल्हागिर चैदिबै सैमैं तौदु लथेंबै त्हिइ” बिमल ।

43 छतमा अरिमाथियाथें योसेफ च डेसार आडिहंन्ले पिलातस डार ह्यासि येशूए सिनु द्विइ । (च योसेफ थेंबै म्हि च्हांबैं चिब मुँल । चइ परमेश्वरए ग्याल्स खोंयो युब् इहे बिसि घ्याँ इह्योरिल ।)

44 येशू सिल् खाँइ बिब थेंसि पिलातस अचम्मा इहाँइ । छतसि कप्तानलाइ खी डार हुइसि “क्ह्रोंसेन येशू सिल् खाँइ वा?” बिसि डचोएइ ।

45 येशू सिल् खाँइ बिब कप्तान उँइले था सेसि पिलातसइ येशूए सिनु योसेफने बोयाल् पिँइ ।

46 झाइले योसेफइ सुतिए क्वें किसि पखइ धे येशूए सिनु कूस उँइले तसि क्वेंर म्होरसि म्हिमैंइ युँमा कोप्दिसि लबै उ धों तबै छगोंर थेंइ, झाइले च उए सुँर युँमाइ हुथेंइ ।

47 मगदालाथेंस्यो मरियम नेरो योसेफए आमा मरियमइ येशूलाइ छगोंर थेंब इह्योरिल ।

16

ॐॐॐॐ ॐॐॐॐॐॐॐॐॐॐ ॐॐॐॐॐॐ ॐॐ
(ॐॐॐॐॐॐ ॐॐ.ॐ.ॐ; ॐॐॐॐ ॐॐ.ॐ.ॐॐ; ॐॐॐॐॐॐॐॐ ॐॐ.ॐ-ॐॐ)

1 प्रिबै त्हिंइ लिउँइ मगदालाथेंस्यो मरियम, याकूबए आमा मरियम नेरो सलोमि बिबै च्हमिरिमैंइ येशूए सिनुर फोब् बिसि लिंबै थाँ खबै छचुगु किंइ ।

2 आइतबार न्हाँगर्न त्हिंयाँ प्योमा चमैं येशू थेंबै छगोंर ह्याइ ।

3 छले ह्यारिमा चमैंइ “डचोए ल्हागिर खाबइ च उए सुँबैं युँमा प्लिंमिंम् इहे?” बिरिल ।

4 तलेबिस्याँ च युँमा बेल्ले थेब मुँल । दिलेया छगोर फेनेमा च्हाँ थेबै युँमा या स्योथेब च च्हमिरिमैँइ म्रोंइ ।

5 झाइले उ न्होर होंमा चमैँइ फोस्रे ब्योँबै क्वें खिबै फ्रेंसि म्नि उए क्योलोउँइ टिरिब् म्रोंइ । छाब् म्रोंसि चमैँइ इंहंयाँइ ।

6 दिलेया च फ्रेंसिइ चमैँने बिइ, “आइंहंन्! क्हेमैँइ क्रूसर सैवाबै नासरतबैँ येशू म्हेरिल् वा? येशू धबै सोगों तसि रेल् खाँइ । खी चुर आरे । इह्योत्ति येशूलाइ थेंबै कल्ह्यो चुन् ग ।

7 तारे पत्रुस नेरो येशूए अरू चेलामैँ डार ह्यासि ‘येशू गालीलर क्हेमैँ भन्दा ओंसोन् ह्यासिन् मुँ । खीजी ओंसोन् क्हेमैँने बिब् धोले क्हेमैँइ खीलाइ चर म्रोंब्मुँ,’ बिसि बिद् ।”☆

8 छ्बिमा च च्हमिरिमैँ अचम्म इहाँसि त्हारदै छगोंउँइले त्होसि न्हेह्याइ । चमैँइ खाबने या तोइ आबि, तलेबिस्याँ चमैँए सैं इंहंरिल ।

*□□□□ □□□□□□□□ □□□□ □□□□□□□□**
(□□□□□ □□:□-□□; □□□□□□□□ □□:□□-□□)

9 येशू आइतबार न्हाँगर्न सिबउँइले धबै सोगों तबै लिउँइ मग्दालाथेंस्यो मरियम डार म्रोंखइ । येशूजी ओंसों च च्हमिरिउँइले मों डि ल्हामिल ।

10 मरियम ह्यासि येशूए चेलामैँने “येशू धबै सोगों तसि खइमुँ” बिइ, च त्हेर चमैँ बेल्ले शोक लसि क्रोब-म्होब लरिल ।

11 येशू धबै सोगों तसि मरियम डार म्रोंखइ बिबै बिलेया, चमैँइ चए ताँ आक्वें ।

□□□□ □□□□□□□□ □□□□ □□□□□□□□
(□□□□ □□:□□-□□)

☆ 16:7 16:7 □□□□ □□:३२; मर्क १४:२८ * 16:8 16:9 □□□□ □□□□□□ □□ □□□□□□□□ □□ □-२० आहिल ।

20 झाइले च चेलामें खन्तोदोन् ह्यासि खीए ताँ बिप्रइ । प्रभु चमैने बालु तसि औदिबै चिनुमें लसि चमैइ बिबै ताँमें क्होसेन् ग बिसि उँइमिंइ ।

Gurung Central Adapt It Study Bible
Gurung: Gurung Central Adapt It Study Bible (New
Testament+)

copyright © 2020 Wycliffe Bible Translators, Inc.

Language: Gurung (Gurung, Western)

Contributor: Wycliffe Bible Translators, Inc.

© Wycliffe Bible Translators, Inc.

All rights reserved.

2025-05-03

PDF generated using Haiola and XeLaTeX on 2 May 2025 from source files
dated 3 May 2025

54ead5f0-09ac-5893-ab7c-505713abe514